

程



古者德業爲重然未嘗輒廢夫言故可紀爲文可
歌爲詩胥言之託而詩難爲工非工之難能一本
於情匪徒出於意之爲難也蓋一往而至者情也
苦摹而出者意也若有若無者情也必然必不然
者意也意彊而情活意跡而情神意近而情遠意
僞而情真顧稱詩者往々舍情而求之於意於是
遠想以撰之雜事以羅之長韻以屬之俶詭以張
之卒之虛而無物蕪而不理外相勝而天真隱於
詩何有吾友巢林先生亮體達心涉冶羣籍意行
自重不屑世好衡門兩版窅如空山三四素心時



積學齋徐乃昌感書



相過後，然香淪茗之餘，他無所事故。其詩亭、落、落、迴、然、塵、壚之外，淡情孤詣，吐棄一切。韓、汪文采如林，若吾巢林，洵如所稱寒瓊獨朶者矣。予以牢落坎壈，無所俚賴之身，得傾倒於巢林者，餘廿載。惟是隔閩兩地，未獲以時相見，乃予之視巢林，若餐霞飲露，遊行雲漢之表，不可攀援。而巢林則違衆暱予時，緘題見及，即巢林於交友之間，其淡情一往而至者如此，而其於詩之一往而至者，逾可知也。巢林近刻成，因識數語於簡端。乾隆甲子秋中，錢唐同硯弟陳撰書於真州之穆陀軒。

巢林集總目

卷一

古今體詩六十九首

卷二

古今體詩八十五首

卷三

古今體詩六十三首

卷四

古今體詩七十二首

卷五

古今體詩六十一首

卷六

古今體詩七十五首

卷七

古今體詩六十五首



好梅而人清嗜茶而詩苦
惟清与苦實清肺腑故朴
不飾飾儉不苟取嗇用其
明闡茲環堵優哉游哉庶
其近古欽陳章題高翔書

巢林集卷一

雨中過犀堂

僻處隔深巷何妨破蘚痕
朝昏來冷客風雨落閒
門奇句提湘管香醪注瓦
盆清言殊未已靄暮
雲屯

寄項竄民

芳時草過三月又經旬
綠暗雲連樹春陰酒病
人水南音信遠江上別
離新自咲成孤調難堪入
世塵



富谿 汪士慎 近人

雪

一夜雪盈尺平岡人跡無雲寒昏野店風勁落饒
烏絲遯江光白槎桹樹色枯漫、欲買醉林下自
携壺

江上

西風瑟瑟、柳絲斜茅屋人家近淺沙曉霧全收江
水濶一聲款乃入蘆花
紅輪初上海東頭無數雲颿水面浮一抹棲霞青
未了勾人情思白門秋

聽孫淋林彈琴

十年不渡古淮水市上雄豪多老矣十年不聽孫
郎琴胸懷偏仄羅粗鄙淮水晝夜流湯、孫郎逸
興動清商瞑目匡牀嗒然坐細聆幽響生悲涼殷
勤爲我再三鼓、者心酸聽者苦七尺枯桐抱至
靈能令猛士淚如雨從古悲思託語言語言難寫
歸冰弦爾我低眉常默、遐想忽復思先賢伯牙
既往不可有百道飛泉落君手絲弦疾響飄壺空
飄、之聲動星斗吁嗟子前聲鬱、後聲哀若有
淚愁積怨心難灰與子久別翻無語一鐙相對中
心摧中心摧子弦欲絕聲、相擊斬然歇拂衣起

舞空庭寒雨濛濛、溼殘月

送吳載皇之趙州署

羨爾浮家萬里遊，高懷浩、奪江流。颿窮楚水過，
苗穴馬脫蠻山入。趙州極目波光通，異域遙看雲
氣接西酋。不才亦有四方志，寐莫平生老故邱。

焦山六首

江雨晝冥、江花亂野汀。一颿破煙白，雙屐踏峰
青海氣連雲。樹山容豁性靈，離家才一日，不是舊

畦町

破曉臨江岸，微茫見釣船。洪鐘驅水怪，濁浪洗塵

綠一閣倚空碧，雙峰擁翠煙。陂陀登絕頂，東望更
茫然。

小憩雙峰閣，波濤四面雄。手摩秋樹頂，衣染暮霞
紅。牧馬歸京口，新蟾過海東。遊僊更何處，此地即
珠宮。

峻壁苔花老，難尋般若經。一龕新色相，片石古雷
霆。脚踏岷波尾，身沾龍氣腥。及時曠心目，白日轉
西溟。

蘆花搖極浦，鴻雁落紛紜。雙鳥走黃葉，長裾曳白
雲。禮瞻漢高士，摹讀晉碑文。隨意題名勝，勿、記

見聞

過江情思好兩夜宿雲房萬竅作天籟空花散妙
香重遊應有約小隱亦無妨向曉一篙去回頭山
混茫

張吾未南還

連朝病嬾下書幃門掩寒雲萬事違想見江干更
淒絕一颿風雪故人歸

畫芍藥

花發將離春事殘肯教憔悴倚朱欄連瓶寫上鵝
溪絹好待東風過去看

湖上

湖邊新柳綠浮煙行過紅橋便繫船清興那如兒
輩樂風箏掌上落花天

新秋見新月

新秋見新月正我孤吟時微光盪殘暑雲豔風離
離欲畱不我駐欲繫無長絲穿我雙桐陰翹首思
所思

首春九日風雪大作追憶去年此日與諸

朋輩東郊援梅因成一律東寄吳笙山
去年踈放東風裏今日愁城四面圍但有水花堆

真本集卷一
四
部屋更無幽客款荆扉身依故土家何有髻欲成
翁事總非寄語故人應念我可憐何處對春暉

寒夜

街鼓無聲夜更長寒雲不散月淒涼閒看老鶴啄
殘雪獨抱清琴坐竹牀孤塚離離衰草外淚衣疊
疊亂書旁此身已類飄零客不必天涯是異鄉

早春

小徑東風入昏黃月上弦寒花非舊影清淚入新
年孤夢無歡境長松拱墓田壯心何處著天問只
茫然

浚春臥雨柬諸朋輩

經過三月增新恨屋漏寒生枕簟風滿徑草肥春
夢裡隔簾花盡雨聲中閒拋古硯因詩瘦夜共香
燈引淚紅舊事滿懷向誰說行藏多半類哀鴻

秋梧

葉、西風不斷聲主人清到不勝情
幾過疎雨又涼月影散一林書亂橫

燕閒齋竹下作

幾日不曾過小院新栽修竹已成林
嗒然一石坐忘我疎雨涼颿生妙音

索、秋聲細、來看、落日下層臺主人愛我復
留飲墻脚海棠花正開

平山堂

堂空寐、倚煙嵐慶曆風流未可揆只有衰楊抱
城郭好山都在大江南

送金壽門

詩人情性慣離家小別衡門落照斜明日馬蹄踏
芳草梨花風雨又天涯

送春

年、相送鬢成絲何術能教春去遲人在江頭無

意緒綠楊橋外立多時

鮒魚

乘潮到得小孤無四月江東遍網罟賈子幾曾供
土銼

先

皇久已罷天廚潛游鮫室分珠色膾入冰盤比玉
殊多少人家貪異味棟花風裏倒金壺

送俞以三之楚

薰葭風起洞庭波山翠雲濃客路多行到瀟湘秋
漸老不知誰與問湘娥

題昭君倚馬圖

回首昭陽霄漢間
內家妝束換應難
只愁前路馬蹄疾
一日風沙一日寒

富吳止齋

閉門卧風雨
匝地秋苔冷
長年滄無事
聊復弄霜穎
水墨洒空花
嗟哉成畫餅
安得天宇清
三五遊興逞
攜手入香林
坐話僧廬靜
先擬挹幽人
草堂亂花影

渡江

南

隔江山色煙中見
十里颿開水面浮
自此東遊過吳越
好攜書畫到明州

蓉湖曲

十五吳姬不解羞
生來臨水弄輕舟
暫時相見即相笑
瞥眼東西各兩頭

橫塘

水漾殘紅柳躡腰
南風吹到彩雲橋
憑欄初試新團扇
箇、蛾眉學淡描

鶯脰湖

萬頃鱗、鶯脰湖
垂楊垂柳似煙鋪
不知月白風清夜
誰向中流傾酒壺

渡錢唐江

一江限吳越煙際路迢迢我浮一葉過坐見群山高
群山青子江水黃風無聲兮雲飛揚霸業雄才
何渺茫但見沙鳥雙止復翔

曹娥廟

千秋祠廟俯江光神去神來波渺茫山帶晚煙雷
過客碑傳黃絹倚空廊靈旗風動珮環冷寢殿雲
封草樹荒咲問掌燈閒侍女近來曾復有中郎

月夜由西興登舟至嘉隆里

東遊才入越前路復何如月浸灣環水槁通遠近
壑孤舟正清絕雙眼忽空虛望去波無際中宵獨

奈予

訪陳文理公不遇

水程平似掌溪路曲如弓一入嘉隆里全非塵土
風山容春黛曉花逕石槁通未識幽人宅停篙問
釣翁

不遇隱君子欣看好子孫清風生古屋白日澹閒
門香酒沽隣翁春蔬剪後園此鄉真樂土何用問
僊源

三月九日夜海舶遇風同方可邨作

碧月在天、宇空水光射天難為容衝波巨艦入

大海是時恍如仙人招我過鮫宮
夜蟾倏爾變昏黑雲烝霧塞迷
雙瞳颯々神颺卒然作舵師急使
偏檣風與客瞪目相對坐巾箱傾
仄難容臥萬里鯨波四面彌洪音
聒耳蛟龍播勢若衆靈雜過萬類
呼怒張掀天空裏過我從窓底得
偷視亂倒銀山冰碎破怪雲如馬
駕天衢控影驅風世界無飛濤撲
面心茫茫眼光繚繞飛明珠一片
精覓逐浩蕩傾危莫定愁須臾回
顧同來二三子如癡如醉形容殊
玻璃沙漏更交五龍無吟子蛟不
舞神風過盡颿檣正舟人合力驅
樓艣呼童活火生茶湯

始覺心旌安肺府隱々恍若天雞
鳴咲啟蓬窓日初吐

出蛟門

海上神山險絕倫東西雄峙是蛟
門何來萬里浮天水都向船頭怒
欲吞

登小白華山

白華山峙海中央現出千花古道
場龍象有形呈法相龜鼉無跡避
空王明州春樹浮蒼莽日本煙螺
隔大洋到此身心無罣礙過來塵
夢總荒唐

觀濤

9
送

日午下林麓，撥奇忘巖嶮。踏過千步沙，漸近蛟龍穴。
 穴大叡空遙，靈變誰陳設。蜃氣接雲霧，曦光射
 虹蜺。一時萬象生，轉瞬眾形滅。升高一振衣，心向
 東洋折。天際來洪濤，排空波浪凸。叢如群馬奔，勢
 若崩崖裂。觸石噴明珠，迴瀾鋪白雪。飛灑撲衿袖，
 光華透林樾。攜手紫髯翁，狂呼叫奇絕。慨茲鴻鈞
 力，活潑無休歇。天地入混茫，塵土在羈絆。自此返
 人寰，莫向鄙夫說。

進蛟門

海水積為陵，海山排作門。淵深不可測，波濤相吐

吞神蛟，伏其下。張鬣駭人魂，我舟揚大颿。乘風疾
 如鯤，長艣各齊力。聒耳群車翻行，觸高浪。恍若
 升天闈，時予倚檣望。蜃氣如雲奔，白日照無地。巨
 壑杳無痕，故鄉隔縹緲。客心亂朝昏，回頭脫奇險。
 遠黛煙中屯。

丈亭

姚江城外接滄溟，畫裏歸船過丈亭。今日谿行百
 曲折，鳥聲不斷越山青。

梁湖道中

一道谿光入畫圖，計程今夜宿梁湖。船離水面過

卷

蘇東坡集卷一

西壩

水中有石壩蓄水灌田官設壩夫以船過之

山聳城頭見上雲桑

柘陰濃藏竹屋桔槔聲亂半邨姑行漸到題詩處孝女江心月出無

秋爽聽雨作

梧葉未黃蕉葉青秋苔上壁涼雲停經旬避客戶常鍵西風吹雨來空庭野人高臥復起筆牀茶具剛燈裏雨聲風聲雜暵鳴聲細入閒人耳呼童活火煮香泉一甌龍井春芽鮮因憶西湖暮春日滿船花雨今猶憐雞聲破曉天忽朗細草鋪階平似掌曉光含雨翠淋淋隔籬小犬金鈴響

病起

久臥繩牀客到稀堦除盡長紫苔衣身如老雀秋消瘦心似閒雲懶不飛撼沓聲中黃葉過橫斜枝上冷香歸寂寥小雪看之到滋味盤餐菜甲肥

酬吳廣文銳見訪

高軒入委巷一見便開襟久坐野人屋寧非賢者心靜言黃葉隋小立綠苔深官閣清冬爽能容雪裏尋

雪爽

朔吹滿天雪壓屋老鳥喔喔栖庭木冰花滿研罷

蘇東坡集卷一

二

真本集卷一
鈔經一碗香燈照幽獨前年冒雪走淮陰大河冰
結阻歸程去年臥雪病雙目避客僧羶餐決明今
年聽雪今爽好心旌不動無俗擾小峴春芽自煮
湯瓦爐煨芋足溫飽卷幔開軒一尺浚友朋雪裡
應來尋瘦藤野服出東郭梅花香處傾壺吟

種竹

野叟敲門日未升移來寒玉瘦如藤沾泥猶帶山
中雪衝冷先鉏屋角冰蕉葉綠時才有伴梅花香
處得為朋六時風雨支撐過清淨閒叅最上乘

立春

梅信無消息江南已立春晨光都在雪煖氣未親
人撲火開新醞衝寒來舊隣盤餐只野味聊以慶
佳辰

寫梅寄吳興姚薏田

縱橫鍊骨揚補之蘇花瘦幹王元章天姿各得歲
寒性寫梅乃擅元人長頷我終年心嚮慕墨浮古
硯含冷香晴牕拂几試縑素揮豪放膽追王揚橫
枝大幹走龍虬萬蕊千花心手狂吳興詩老夙契
久愛我梅花勝瓊玖病中欹枕琢秀句粒粒珠璣
常在手聞君日夕坐高樓外水雲一千畝王孫

去後繼詩人更羨水晶宮
不朽題詩聊復寄相思
灑灑春風墨一斗

咏白桃花

滿樹銀桃似雪堆
未過寒食早爭開
宛如梅萼春冰澣
錯認梨花白燕來
僊種未聞傳皎潔
清姿已分老塵埃
圖將畫本堪常見
不逐東風散綠苔

畫凌霄花歌

買得凌霄花栽傍青松
樹倏忽四三年
蒙茸得雨露
草堂六月涼
滿院松風香
舉頭聽松瀑
累藤花黃
藤花黃我鬢蒼
一年一對花
芬芳不道種花

人易老却愁樹木老大
撓風摧折難于保
何如寫入畫
畧中筆墨留傳顏色好

桐

踈雨已過桐葉涼
晚風滿院桐花香
小披衫葛不知暑
自掃清陰上竹牀

蕉

松花飄粉紫藤開
記取山僧曳屐來
遺我綠天雨碧
至今幽響費吟裁

葫蘆

大者如瓠小似拳
零丁搖曳北窓前
幾時挂上瘦

藤杖攜到蓮花最上巔

豆棚

棚上豆花紅繖蓋
鑄中豆莢紫玫瑰
野人飽食就陰坐
正有沙、絡緯來

遲朱老匏不至

寐、空庭清晝長
日移踈影到吟牀
一聲幽鳥下檐角
落盡桐花小院香

隱、林端透暝煙
煮茶敲裏思悠然
柴門開到月斜後
清露滴涼琴上弦

題管應夫秋夜讀書畧

海月西飛爽氣深
參天老樹秋蕭森
幾間矮屋竹籬閉
癡童熟睡涼蟲吟
中有幽人擁圖史
筆牀古硯剛鐙裏
書敲秋敲格、清小犬吠
花雀驚起

輓吳雨山

先生負奇氣風塵走不已
賤子何蕭然一室蓬蒿裏
悠、廿載間人遐心自邇
君忽赴九京誰來薦香
菴惜哉石火光湯、東逝水
妙筆落丹青秀句諧宮徵
琴無轂以悲鶴長鳴而起
庭戶酸風生孤孫獨從倚

送王稼眉還新安

未面已神契相逢即送歸秋懷同慘淡清語見精
微別路青山翠還家紫蕨肥音書隔千里雲水夢
依、

送銓姪之楚

行、不覺到江干此去颿孤路又漫秋水平鋪雲
夢濶晨霜輕抹小孤寒遙憐對月添鄉思誰與題
襟結古歡轉眼柴門風雪裏一家望汝共辛盤

輓俞以三

林泉結伴十三年爾似閒雲我似禪風雪滿天遊
興劇自攜瓢笠上湖船

博雅清才夙有因六書四瀆更無倫半生懷袖古
文字兩漢金龜不示人

衡嶽歸來病未瘳承歡得慰老親憂三冬曳屐猶
尋我盡說瀟湘一段秋

病臥匡牀只浹旬可憐無術返元神彌留不改清

狂癖指向梅花別故人

既死復甦猶寒帷看
予所寫壁上梅花

巢林集卷一終

巢林集卷二

富谿 汪士慎 近人

讀馬嶰谷真州看桃花詩因次原韻

放棹新河野岸斜綠煙紅雨歷千家
姤君三日春風裏看遍鑿江一縣花

春愁春病一年々想到名園路杳然
曾上高樓坐

終日拋殘歌板已生憐

謂鄭氏江邨

東風不管青春老細雨經寒作雪飛
畫裡歸船花裡出酒痕都滯亦棉衣

暮春同西唐五斗泛保障河望隋宮故址

維舟至鍊佛寺晚飲紅橋四首

郊原風日近清和紫苻亭綠燕掠波雨積平田鳴
細瀨人依矮屋曬青簑綠楊城外芳塵歇紅板橋
頭香草多似葉小船二三客一篙撐入古隋河
野興寧無弔古心披衣小步入煙林之玄路軟埋
宮瓦清淺池荒現寶簪近海青螺昏日午護巢黃
鳥喚春深尋僧何處下山去空外悠々鐘梵音
散盡穠華古寺春門前新漲綠無垠小獨迎客似
童子野鶴出林如老人滿地清陰僧定後一庭空
碧燕飛頻不須多設香花膳暫借蒲團話妙因

天涯交結隔雲霄老我韶光去似潮好事過來心
寂々名山歸後髮蕭々水邊林下客無幾花落風
狂酒易消回首三山青一抹夕陽波影返輕撓

桐花

手植修桐十倍青年々花發蔽蒼冥曉風吹蕊點
襟袖夜雨壓香來戶庭小鳳鳴時金佈地赤鳥飛
過翠成屏野人無事抱影坐林外月斜門未扃

喜陳授衣歸自吳興

君家夫婦滯淮東去我柴門指頤中久已交親成
夙好近來情性每相同十年迄事荒唐過一束奚

囊徹底空閉戶不妨生計拙賣文元是古人風

步西山同西唐五斗作

冬晴出西郭素侶相歡悅陂陀金匱山往來多車
轍雲淨爽心目林深路曲折攝衣上高隴天地忽
空澈南望隔江山群峰似屏列峰々昔遊處妙境
難言說自余海上歸乃與名勝別今日偕良朋山
行力不竭壺中有美酒狂飲不肯歇遙見煙莽間
下有狐兔穴松叢謾々寒青燐自明滅願此焉足
悲所悲在人傑長眠有故人悠々永濶契忽聞颯
沓聲悲風掃荒垤黃葉亂如雨晚鷗陣盤結欲歸

還遲回新蟾上林缺

題李素園山谿小幅

清谿盤曲碧波深繞岸林巒翠欲淋似此畫幅曾
記取一蓬煙雨過山陰

訪梅四首

十日昏々頭懶梳梅花零落雨模糊曉來忽見晴
光迥頓覺心如酒病甦

月輩翩々逸興談出門隨意步山隈杏花羞澀梅
飄粉一陣香風過水來
橋邊小徑繞林陬一帶紅牆古寺幽乞食山僧持

鉢去梅花遮院靜於秋
茅屋人家酒味甘夕陽影裡帶微酣相期明日南
郊去先上春城望曉嵐

書秋林覓句圖

自頽翻誇野態清水邊林下每閒行城南老友偏

多事寫我秋來索莫情

素園寫畫見遺

森々古木抱崇岡颯沓敲來似雨狂緩步獨吟人

不見沿溪忽々過雷塘

鬢影飄蕭逸興深年華搖落獨驚心老知七字難

收拾萬吹敲中細々吟

咏兩剛軒盆荷呈嶰谷半查主人

尺許香泥種藕鬚從今花勝美人姿堦前一様翻
風葉何用憑欄定有池

夜來月似水雲鋪鬚髯凌波步影無清興主人詩
境好露華多處拾明珠

惜花人有性天香纔似詩狂又酒狂選得嬌紅先

供佛肯教蓮葉蓋鴛鴦

軒西有藤花菴供大士畫像

喜無風雨紅妝靜素纓銀餅汲水添曲几方牀香
國裡夜凉人去不垂簾

夏日聞鶯

小牕永晝淨，翳塵拂。薰風短榻親，忽訝流鶯更
無賴。隔林又送一聲春。
女桑葉嫩，離幽谷。蠶婦關心聽放嬌，別却春風易
遷謝。還來調舌解人嘲。
好音直透暑雲來，宛轉如簧度水隈。萬綠迷離藏
不住，也應飛上碧崔嵬。

山館蓼花和嶰谷

也有閒情種水荇，繞廊依檻一叢。小葩低處常
含雨，碧葉欹時易受風。詩卷近傳山館艷，漁竿曾
漾水波紅。來過不覺添秋思，鷗鷺鄉中夢已通。

聞蟬

清涼永晝野人家，又到踈蟬換物華。忽有薰風來
屋角，一轂吹亂柳絲斜。
遠近敲飄午夢悠，茶煙浮動綠陰稠。天涯曾憩水
邊樹，得似清齋臥聽幽。
不分舍北與谿東，轂振斜陽何太雄。記得去年曾
畫取一枝柳，上抱西風。

贈西唐五十初度二首

猿鶴孤踪不易同，到今誰復問窮通。七條絃上知
音少，三十年來眼界空。每欲放懷還藉酒，不言生

計轉如蓬相交相愛垂々老朝夕過從風雨中
落拓高懷自可傷不教蘿薛易冠裳傳書驛路來
千里坐客鄉音雜四方兒子竟能知揖讓阿翁雖
老甚康強茅堂景物欣如此秋草秋花侑酒觴

贈樊次白

江上別君久風騷白倍余老懷秋水淡舊友曉星
踈書畫一時重賢良衆口譽攀留話往昔新月上
衣裾

次白齋中古柏

矮屋何年近古陰叅天老柏久蕭森誰知百尺冰

霜性直似千秋孝子心

閏九日同可邨北山登高二首

重九欣逢閏佳辰此度難林踈清籟歇秋老白衣
寒衰草登高路香醪結客歡揮杯北山上風急梵
音殘

孳裾高處望放眼已無涯落日山光紫空天雁影
斜江邨猶見菊霜葉竟如花不覺心俱曠何須感
歲華

應夫藏石公所畫班惠姬小像

空鉤人物稱能事前有龍眠今有濟

石公鉗

一畫成

形衆畫隨心手寧爲筆墨使何年貌此班惠姬淡
掃蛾眉對文字美好丰容儒者度縞衣大帶僊人
致漢書未竟班固摧踵成漢紀斯人爲天子尊之
國后重一編女誠千秋垂石公石公好懷抱揮豪
愛寫非常姿今日秋晴張素壁香温茶熟頻來窺

題高文蕉牕讀易畧

牕前蕉葉綠無瑕牕裏詩人髮未華一卷周易當
牕紗胸中萬象生靈芽詩人今年政七十芭蕉遶
屋發秋葩夜淡披展滴濃露碧月吐出金蝦蟇

移居二首

年來謀計拙頭白更移家乞米難盈瓮擔書竟滿
車地偏成僻靜樹古自紛拏聊就南牕下清吟月
正斜
甃石安茶竈張帷蔽雨風綠墻新聖粉依砌舊栽
桐門閉日常靜芻來巷正通從今得安穩蔬食勝
家豐

張紫峰招同管幼孚張楚濤由鍊佛寺撰

梅步至平山一粟菴四首

尋梅有約喜新晴便覺青鞵布鞵輕古寺門前好
林木遲回如在畫中行

一叢清磬出林中
六代群雄千載空
領取僧牕閒
白晝梅花枝上占
東風
小石橋邊一逕西
短筇支處望隋隄
遊人最愛棲
靈寺海鶴驚飛是馬嘶
十載重過一粟菴
古梅不在院東南
良宵負却香
花供明月多情照佛龕

鍊佛寺看桃花拈得九青

草軟尋春路
雷塘兩屐停
松濤喧古寺
花雨溼殘
經不信是空色
欣來傾酒併遲留
歸路晚鐙火亂
煙汀

程采山招泛湖上

柳煙一帶酒船橫
水色溶溶拂檻明
夾路紅桃偏
解笑隔林黃鳥尔
求叢騷人逸韻頻
見遊女春衫漸
輕轉眼南風到
團扇浹杯不負此宵情

家援鵝弟招遊淞中山水誌別

自笑心猶壯
欣然繼昔遊
癸丑歲曾与方六可
邇遊吳越諸名山
人隨春水
去
颿到淞江收海氣
生雲脚山煙出杖頭
暫辭諸
友
舊老興獨悠

題援鵝桐花書塾

來此幽棲處
桐花滿院香
碧雲侵戶牖
疎雨接林

塘琴響三秋潤書敲六月涼何緣對賢主日夕話
江鄉

由梧桐鄉至吳淞道中

一舸南潯路煙波四月時隔林看飲犢比屋聽
繅地接吳山脉槁分震澤支晚經沽酒處小瓮出
花籬

述目疾之由示醫友

寒宵永晝苦吟身六府空靈少睡神茗飲半生千
瓮雪蓬生三逕逐年貧愛臨皎月開書卷喜共閒
僧飽菜蓴清到可憐營衛冷那教雙眼不沾塵

歸舟至江南通道中東謝淞中諸友

歸颿風力健一瞬過吳山回首所思遠推篷入望
閒難忘鐙火夕共愛老頽顏自此勞書札遙憐雲
水間

秋夜懷姚薏田沈大田孫養恬家援鵝二

首

獨倚空庭杉月明雙瞳熱疾到秋平歸來無事生

惆悵不見翩々好舅甥

姚爲沈甥汪
爲孫甥

舊好新知氣誼投桐花香裏接清秋孤颿別酒醺
醺客半日南風隔秀州

試茶雜吟十首

武夷三味

宋時所植

此茶苦澁甘命名之意或以此余有茶癖此茶僅能二三細甌有嚴肅不可犯之意或云樹猶

初嘗香味烈再啜有餘清煩熱胸中遣涼芬舌上
生嚴如對廉介肅若見傾城記此擎甌處藤花落
檻輕

武夷山鄭宅茶

閩茶今有鄭園良細翫封題清晝長雲霧冥濛春
放紫槍棋浮動夏生涼杯中皎月一分碧舌上靈
苗盡日香未必龍團能勝此好加護惜待人嘗

龍井山新茶

野老親攜竹筥籠龍山茗味幽幽叢采時綠帶縑
絲雨煎處香飄解籜風久嗜自應癯似鶴苦吟休
咲冷於蟲一甌雪乳光浮動映得櫻桃滿樹紅

桑茗

一陣茗香生草堂風煎滿椀秋鶯黃昔年曾有客
來說二月吳興蒸嫩桑

松蘿山茗

故鄉廬舍歸風雨聞道邨、有翠嵐頭白但知茶
味美百年顛賴住淮南

真本集卷二
十一
霍山新茗

幾日輕車路新茶到廣陵芳生江北味蕊摘雨前
蒸烹藉寒山雪嘗招野寺僧別炊香飯熟幽興一
時增

碩渚新茶

一自梅殘嬾見人但從茗事度芳辰松敲響瀉寒
巖雪雲脚香畱碩渚春幾日東風過水驛滿甌清
露注山珍飲多不覺侵神肺終夜吟思未著塵

陽羨秋茶

封禡精謹重靈芽題爰荆溪秋焙茶鐙裡松聲生

活火杯中藻影泛輕花通宵神靜因無寐幾日吟
懷別有涯留取餘芬供冷客寂寥風雪坐山家

雲臺山茗

雲臺來故人貽我山頂茶自言采摘難樹、盤雲
霞清品未入市幽香良可嘉君能自烹試未如我
山家山家有止水石上汲乳花他日遊海濱風爐
對日華

小白華山茗

我昔東遊渡滄海波濤洶湧難形容一山孤峙出
鮫室四時神颺搖危峰、頭有樹毓靈秀屈幹蟠

根臥雲霧春來葉、如槍棋衲子提筐摘朝露我
正維舟陟翠微東風撲面香霏、攀援尋到焙茶
處古洞雲窩開竹扉老僧指我坐憑几自近風爐
煎石髓滿椀輕花別有春津、舌本涼芬起瞥眼
歸來過十年擎甌往、憶芳鮮齒搖髮白不復去
草堂森莫飄茶煙

菊英

甘菊抱秋心餐之沁腸胃未能洗俗懷足以達禪
木因思衆卉榮焉敢近霜氣

目有痼疾將成殘廢因作雜事詩四首以

當解嘲

作書

自咲誰家體顛狂莫浪誇不能如劍舞安用比錐
沙折處釵紋斷行閒雁陣斜、難乞米衰老獨
咨嗟

作畫

隱几宜晴晝揮豪仗小明妍媸任塗抹心手尚縱
橫點出花須亂題來字體輕興乘聊爾、為報故
人情

簡友

白日靜中去塵埃夢已遐鳥獸常在樹人影不離
花野性寐如衲清齋冷似衙有誰憐老病策杖雨
風斜

寄遠

天涯有良契渺々隔雲岑十年一相見千里同幽
忱況我目有障當秋思益潑何曾致書札戚々撫
瑤琴

歸自澗中寄諸友舊

臨窓自撚決明丸一咲東遊興已闌目瞖不分雲
水白山光都作有無看懷人渺々傳書遠乞米悠

悠舉筆難誰肯致言曾舊好入秋拚臥老江干

題五斗松閒像

水月風松夜正良幽懷於此獨清狂古松映水皴
紋縐碧月照人秋鬢涼謾々轂中猿雀睡颺々弦
上波濤揚幾時被褐共吟嘯活火煎茶欹竹牀

寄采山

一自歡遊直到今歸來靜坐古苔陰長藤短策才
離手越水吳山每上心舊友參差君去遠新鴻唳
唳信猶沉不知紅蓼青蒲外多少秋思到苦吟
遲諸友不至

侵晨時小立拂拭淨軒几別院有炊煙初日弄窓
紙野味治園蔬山茶煎雪水爐香已霽然花氣正
清美寐響新颺空堦落桐子

秋吟

回首衆峰遠人歸秋樹黃小齋風日麗不怪久思
鄉
雪水試秋茶瓦盆煨紫芋寐似山僧風林葉如
雨
日掩荆扉孤衾離翠微夜來疎雨過秋夢不知
歸

目中有熱疾

賈司倉句

坐愛青杉陰夜涼人不到清露

滴秋琴

曉日照衰鬢勾搔如蠶絲蠶絲尚可染衰鬢無青

時

白日不到地昏雲常黯然安得最高處竊藥尋嬋

娟

壺室生悄寒秋侵孤客夢江南幽恨多夜半琴弦

動

惜百年情枯榮過無迹門閉蒼苔深悠然忘古

昔

曉起見隣家炊煙

曉煙裊裊出茅茨，輕颺墻東拂樹枝。
淡墨一痕曾畫取，孤邨風雪破寒時。

寫梅畲可邨

筆研携遊越，歸來老病加。
亂愁生白日，一目著寒花。
却咲孤標立，難誇清影斜。
多承風雪裏，幾度憶山家。

爲陳授衣親家寫梅

曉日檐冰豁，臨風水墨香。
花光圈處動，苔色點來蒼。
向月橫孤竹，題詩寫二王。
高懸名士屋，幽賞咲

清狂

寫梅花竹石

淡寫空鉤貌，冷香石竹兄。
竹弟共清狂，咲予無事一身老。
硯北花南幽興長。

題孫侶安清宵秉燭留卷

園林佳麗晚涼時，灑灑幽人鬢未絲。
遶逕紅蕖牽玉珮，隔簾殘暑送秋曦。
水邊雲過魚迷影，樹底人行鳥不知。
有此清宵須愛惜，鎿光月色騁蛾眉。

咏幼孚齋中雪貓

搏雪作疑團，狸奴玉一般。
縱憐毛骨軟，不信爪牙

寒雀見驚飛去墻陰臥最安主人能省事白小不加餐

巢林集卷二終

巢林集卷三

富谿 汪士慎 近人

孟春二十日諸同人攜具至小齋拈韻會
一笑倚孤筇東風興致重梅花真冷淡鷗侶甚從
容好句近難得清歡自少逢何當攜榼至酒味與
情濃

草堂風日美高論共開懷竹几並肩坐春盤一字

排詩中傳缺佛時西唐出缺佛寺詩有佛容
常在頑缺不銷磨之句醉裡說荆釵子諸

誦同郡女史
王氏詩甚奇記此深杯夜杉陰月到堦

春夜夢遊焦山

昨夜微酣睡思濃東風吹夢落獅峰鐘聲直透江
光白雲氣常潛隱士蹤未覺眼昏還望海亦知身
老欲扶筇矇矓聽得波濤湧牕外松杉盡似龍

懷程雪門

萬里嶺南路饒驅有故人鄉書不易到瘴海已經
春翹首高鴻盡關情白髮新幾時綠楊外颿影落
江津

二月三日諸子飲小齋同用東坡點鐙會

客韻

散盡輕雲漸煥天小齋春意正暄妍松梢有月能

留客谿上無梅不放船還點明鐙消永夜莫窺青
鏡思華年野人何處翻新曆采到芹芽又紀元

喜五斗歸自漢陽用前韻

春在南枝月在天遠歸人愛對清妍旅愁鄉夢應
無迹酒殘吟瓢始離船野鶴飛來仍故態梅花冷
透是今年雪中遊興聽君說大別山頭過上元

樊榭來自錢唐再用前韻

相逢一笑又春天小逕東風正弄妍楊柳著煙過
驛路詩人幾夜宿吳船所期舊好常青眼不怨偏
盲近老年連日花開清興足昏酒病已還元

春寒三用前韻

東風吹雪遍江天梅蕊凝寒未放妍何日遠尋雲
際寺半春常憶柳邊船敝裘不煖親朝旭新醞含
香勝去年寐歷虛齋吟思冷瞑心枯坐似調元

幼孚紫峰以梅花數本見贈四用前韻

病眼尋梅怯煖天良朋雅贖致芳妍昨宵閉戶鋤
明月今日巡檐艤小船開後定滋寒食雨修來到
我白頭年誰拚十日蒙騰醉撲瓮春醪味正元

春遊紀興五用前韻

到處風箏總上天青鞵布鞵著來妍多時不離橋

邊路明日還浮谿畔船鶯囀一轂來喚侶客躑干
里舊忘年丑夜深碧月臨詩境好句翻新破混元

東岷霞道士六用前韻

記憶春風洞裡天桃花人面幾回妍青山過眼常
欹笠白髮盈簪每共船對友朋時成樂事得清閒
日是長年曾看多少神僊術誰結靈胎續本元

題觀音畫像七用前韻

誰寫清真出梵天白衣飄動比雲妍盈餅甘露人
間雨一瓣紅蓮自在船海靜不驚鸚鵡夢山春好
記善才年按奇曾到潮音洞細釋禪宗問了元丑

春曾航海登
小白華山

和柳窓上已泛舟

青衫白袷畫船低
嬌鳥嬌鶯柳拂隄
可惜風狂花歷亂
歌聲散入暮雲西

寒食雨中作

積雨連寒食
山翁興味孤
厨荒難款客
酒美得盈壺
暝色暗楊柳
春愁到鷓鴣
焚香坐終日
機杼窸然無

柳窓去之旬日同西唐作

十日未啟戶
蒼苔侵破堵
蕭然動遠情
遠夢隔江

游客子曾到家
蒲颿飽風雨

聞蟬同五斗作

物候遞流轉
休孤閨歲月
春歸雲態變
晝永桐花發
短檻度南風
輕衫披瘦骨
疎蟬忽有聲
觸耳何清越
江城楊柳多
瞥眼秋風碎
笑語默者驚人
生白髮

輓陳世明

憶昔同少壯
懷抱多慨慷
結納重逸氣
談笑生悲涼
一朝別我去
雲山隔相望
艱難得一官
終歲滯冠裳
微官焉得志
扶病歸故鄉
爾隸我病臥
安得

話衷腸何曾一相見使我心摧傷聞君病劇時念
我目有障嗟哉廿載前日夕恣清狂可憐抱負奇
白首終韞藏感茲熱心客能不思空王況余守一
羶老態隨流光生芻聊致意嗚咽獨徬徨

對月煎茶有懷蕙田

待月立中庭夕靄散爲綺禽鳥歸林樾蟾蜍出海
底乍見如金輪轉瞬碧於水呼童移竹牀抱膝空
明裡茶銚作松敲市喧不到耳因念遠方朋高潔
但姚子題我煎茶卷詩品清無比朗吟復高誦此
際飲更美一甌復一甌通宵對月姊

盆蓮爲幼孚作

幽人好情思所愛良可誇乃於小盎中種出紅蓮
花蒸以雲霞氣澣以日月華葉含淨綠心吐
靈芽客來置几席客去籠窓紗惜彼池中豔飄
欹復斜

懷援鵲

相隔一千里相思一載餘一自相見親不比未識
踈疇昔但景慕今日多踟躕寐立中庭中庭白
日徂雲山不入夢書札常在塗令人改鬚鬢何處
牽衣襦道遠難致身詩寒聊寄吁放筆獨翹首明

月穿高梧

贈衛石卿

君家阿母壽古稀遊子出門孫相依一年幾度羨
君返江淮負米歸荆扉萬里南遊曾度嶺羅浮夢
斷梅花影石卿曾偕婦之
粵今失偶多年閨中無婦調羹湯蚤晚一颿
歸定省

六月晦日家玉峰由雲臺之秀州道經邗

上維舟過晤

去年今日別君處煙雨樓前朝扣舷誰知經歲臥
窮巷開門復見喜欲顛龍山露蕊先烹試鐺裡南

零水清漪泣泉淙茗相馨香何況天涯舊同氣略
言離緒與生涯便說雲臺峰頂飛雲霞念余一目
盲至今安得捫蘿躡磴披光華高城日落涼颿起
客子披衣行復止匆々無語心茫々明日風颿隔
江水

暑中酬周石門惠龍井山茶

火雲蔽庭樹清氣早離境徙倚坐復臥炎威無術
屏安得踏層冰使我毛骨冷新安有佳客驛路過
龍井貽我雨煎焙封題極精整急取黃梅雨瓦鐺
親灌引烹來滿椀春瑟瑟泛雲影一葉張如旗一

葉纖如穎初嘗舌本甘再啜心神靜香氣散清齋
煩襟豁然醒貴家辟暑屏而我焉取領短句謝嘉
貺還期聯石鼎

鄰翁余心也見招納涼因賦短章爲贈

隔院愛嘉禾欣來一俯仰結鄰近城陰辟荔綠書
幌閉門無市喧到耳多幽響茗味沁齒香禽戲穿
綠網坐久樂莫喻知君心自廣聞達雖無求清風
盪草莽

輓張午巖

入門聞悲轂永隔非修阻含悽憶往昔卅載稱爾

汝吟髻老猶黑靈臺似有補詎意畢昏嫁一夕棄
塵土悠悠兒女心清淚比秋雨

題應夫聽秋圖爲壽

先生賦性無塵滓平生半在秋聲裡我與相交壯
復老崎嶇磊落久盈耳少年負氣已飛揚曾寫鹽
車過大行萬山雲湧一身立嘶風駿馬秋蒼涼

少有鹽車圖像
石公補山逕

一朝檻轡出門去落日西風無恐懼天

涯賢達誰其人遙盤繞關山路幾年浪跡知音
稀華髮蓬緇歸故扉故扉無恙有松菊趙北燕南
客盡違自謂棲心似猿睡

先生有秋山
睡猿圖像

悠然靜對南山

翠白頭更寫聽秋圖愛聽蕭騷風雨碎今年七十
正秋宵屋邊萬吹鳴天韶爲獻長歌壽無量如松
如柏蒼翠搖清霄

秋日喜五斗惠雪水

舍南素友心情羨惠我僊人翦花水西風籬落飄
茶煙自坐竹爐聽宮徵杉青月白空齋幽滿椀香
光陽羨秋欲賦長歌佐逸興吟懷一夜清悠悠

夜起

撥火更焚香軒開夜未央秋轂撼殘夢月色過匡
牀盲目何關老憂貧不礙狂生涯無計策終歲硯

田荒

東五斗乞雪水

清閒庭院月當門拂樹茶煙似墨痕儻得山家沁
齒水靈鑄一夜響冰魂

題柳窗雲木山莊畧

家園好邱叡林木浮煥翠水影盪軒檻嵐光照文
字白雲空處生清籟靜中至幾度展斯畧悠然動
遙思

鮑明府西岡見寄煎茶畧詩因作水墨梅

花奉報贅以長句

吟箋遠寄意殷々七字鏗鏘調不羣何日東風笑
相見梅花香裏揖參軍

題盧九垓像

玉川情思近如何石上科頭自放歌
熟客不來秋樹靜好看明月照藤蘿

效柳窗四絕句

水邊林下孰幽撥春氣濛々溼似嵐
纔有梅花便

風雨枉教好夢隔江南

西唐與柳窓札有緣有梅花便
經風雨之語柳窓因截爲詩句

冷雲侵戶嬾爲吟幾日清齋曉睡深
纔有梅花便風雨老來何處得春心

二三遊侶興遲々屐齒無聲到竹籬
纔有梅花便風雨長懷野店酒香時

橫窓老幹瘦於人幾度揮豪爲寫真
纔有梅花便風雨夢中懵懂不知春

程春曇見過索寫墨梅因題一絕句

南颿北轡久無聞踪迹誰親猿鶴群
一笑十年春夢客梅花香處忽逢君

自書煎茶畱後

西唐愛我癖如盧爲我寫作煎茶畱
高杉矮屋四三客嗜好殊人推狂夫
時余始自名山返吳茶越

茶翁裹滿餅，貯雪整茶器。古案羅列春，滿椀飲時得意寫。梅花茶香墨香清，可誇萬蕊千葩香。處動橫枝缺幹相，紛拏淋漓掃盡墨。一斗越甌湘管不離手，畫成一任客攜去。還聽松聲浮瓦缶。

見歸雁有感

一字排空北去頻，好風吹送暮江春。不堪細數難歸客，萬里龍沙有故人。

夏日憶可邨遊小白華山未歸

六月風林已帶秋，遠人只在海東頭。夜來夢落蛟門外，猶似當年放浪遊。

幼孚惠盆竹

尺許琅玕韻致幽，瓦盆分送到林邱。不凌雲漢已高節，才近風檐似冷秋。茗椀搖光浮碧玉，墨池涵影蘸青虬。雅懷爲我陳清供，差喜平安對白頭。

懷柳窓

鎮日南風到草堂，南風不到心茫茫。松聲觸耳似濤湧，詩思入雲如鶴翔。書札沈沈勞夢遠，離愁淅淅覺時長。相思相念不相見，蓮葉蓮花空好香。

輓張紫峰

憶昔遊蕭寺，寒林結交始。忽忽三載間，悠悠如夢。

裡有時過我廬談笑論文史愛爾詩筆新不覺成
爾汝春來偶抱疾當秋竟不起如何天地間翻令
慧心死書編付釋兒夢寐歸妻子何處爲九原空
庭白日從

吳侃畫蝶

脫繭何知刁裏胎舞衣摺疊化工裁吳郎自入莊
生夢只到春風香國來

老來五首

老來心慮澹隨意恣疎慵靜聽窓邊鳥閒扶屋角
松茗香沁神肺秋氣歛衰容興到弄豪楮誰矜字

體工

幾載棲浚巷飄然與世違閒門無客至小徑有雲
歸適意心常泰耽吟思入微孤清誰與共繞榻亂
書圍

往事不復憶都如出岫雲無聊成遜跡幽獨鮮同
群目病求方數神清澹茗勤瞑心一室坐喧競久
無聞

秋日病初起堦前水滿坡雨敲還入夢歲稔忽無
禾煨芋抵餐飯縫棉勝綺羅金飆透林薄暮色落
庭阿

一自偏盲後娛情尚寫生花隨心手散墨帶雨風
行老興固可遣生涯常是清難堪昔人語身後與
誰評

曉起作

曾因多病渡江還幾載棲心晝掩關不信老懷無
遣處飄、秋夢落吳山

對菊

夜雨明燈菊放英團團兒女笑相迎蕭蕭籬落一
尊酒曾在天涯思此情

辛酉秋日作

一秋不見好風日寂寞窮瘡生歎嗟無賴雨敲咽
復響陰雲著地昏無涯東阡南陌水盈尺江湖之
田盡漂沒倍增米價豈無饒淡巷低檐食薇蕨老
人對雨心慮渾苟安眠食猶消魂樹頭啼鳥怨巢
覆壁上青苔蝕破痕曉來客至說江漲近岸人家
浮水上更多崩踏人煙空萬數幽魂歸駭浪何堪
檐溜猶潺、未見秋深如歲寒風神雨神不肯去
打牕攪樹何時闌

秋日自遣

老矣難聞達清歡尚可尋安棲離市遠卷幔值秋

深夜月照幽夢殘花戀苦吟蕭蕭風雨夕喜有故人臨

鮑剛府西岡見貽雁山芽茶

詩老遠從茗溪來遺我雁蕩山中茶小餅滿貯未
一鎰蒙茸纖嫩春風芽詩老揚颿赴

金關野人閉戶潑乳花乳花沸處辨香色勃雲堆
椀面碧野人飲啜心目清一時齒頰生香液安得
撥奇入雁山風爐攜對龍湫月

蕙田惠杼山野茶

水晶宮裏來江城惠我杼山春茗新云此種植非

園叟雀銜茶子生荒榛樵人曉入雲霧裡攜兒挈
侶窮峻岫巖邊水際遠收采幾朝始得盈筐春不
惜工夫自烘焙易錢易粟菰城闔幽人攜此山中
品親識封緘字體純小齋鎮日靜無事一院桐陰
綠正勻竹爐茗具自陳設自煎自飲一手親香光
雪色早能辨細啜狂吟筆有神莫笑老來嗜更頻
他生願作杼山民

檣峰上人惠天目山茶

迢天目山縣邈衰千里洞壑多奇觀歷載文
史草亦呈英華品類難述數夙知筍味鮮今嘗茶

更美山僧來廣陵
靈芽出袖底葉
雷驚葉槍
雨前蕊沁齒
浮花香一甌
淡秋水坐對藤花
落高吟飲不已
冷六府清寐
睡神去因悟香色空
還須訊佛子

空林踏葉

四三遊侶愛幽尋
小石橋西一帶林
幾日繁霜除
翠蓋滿山踈影亂
寒禽丹黃著地秋
轂散杖履穿雲逸
興淡老覺枯榮皆妙諦
冷吟遙對隔江岑

嶰谷有烘梅詩余亦繼作

寐盆中梅主人愛其質
霜根正抱冷烘藉南窓

日要令暄燠親不近
冰霜窟催花破寒夢
佈影橫書帙何待東風吹
香光已滿室

簾影

白日下踈簾
影縹於縠風來蕩縠
紋行看藉遊目滿屋漾
如水流光靜可掬輕雲不著空
夜月還來續

記夢

飛夢落前渚
月照蒼苔冷
仙人隔水呼
滿路梅花影

雪中作

集本集卷三
滿空散瑤玉四壁生靈明野老忍寒立僵梅歷逕
橫門外已迷路竹中時有聲仙人在雲際安得共
幽清

寫梅

雪裡茅齋坐衰老、人清冷過昏曉自和水墨寫
梅花人瘦花疎春未了昔年曾作名山遊樹、香
光在懷抱昨日衝寒過石橋、南橋北人踪少荒
邨犬吠炊煙昏雪壓酒香梅信杳東風何處望江
城對此新圖顏色好

除夕

今夕是除夕家貧一例清窓煎松有韻門外屐無
聲穉女剝山果老妻烹菜羹年增衰未甚瘦骨喜
崢嶸

巢林集卷三終

青窓前此有歸門不與

巢林集卷四

富高西唐雨中見懷

富谿 汪士慎 近人

霜鬢入新年
耽幽性所偏
蒼苔滋小逕
紅萼破春煙
高館隔良契
茅檐困曉眠
雨寒傳筆札
孤調與誰憐

懷方可邨

方干與我友
投契是前因
鬢各垂老心
常勃春高颿
浮海遠青眼
見淮真屈指
經年別音書
相遞頻

懷古水上人

東風吹破寺紅萼吐空林春入山僧衲寒波鍊佛
心水邊堪小立隴上好長吟幾日開新霽飄然一
杖尋

懷楊己軍

春水一江隔懷君意獨真同爲林下老誰是眼中
人野服踈狂態沙鷗遠近隣片颿何日便携手更
相親

懷沈桴翁

桴翁老而健八十尚離家遊興無時淺名山一笠

斜金城傳詠古

先生有金城弔古雜體詩

雪屋晝煎茶

先生爲子寫煎茶圖卷

曾說東風便來看江上花

喜梅放

獨自曉寒起月殘猶在天冷香浮竹逕踈影落吟
肩相對成良晤同清亦可憐誰誇好顏色高閣困
朝眠

試鐙前一日集小璽瓏山館聽高西唐誦

雨中集字懷人詩

細聽子吟誦浪、山館清所懷多舊識入耳是新
敲春雨得奇句東風寄遠情今宵作良會花逕已

燈明

雨中對梅東諸友

梅花庭院雨絲絲、小徑遲徊對好姿
古雪滿林茶熟後、狂香到枕夢回時
橫斜缺幹如誰瘦、懊惱東風覺我癡
過眼流光等閒事、可憐榮落費相思

落梅

惆悵花朝過、難堪對落梅
冰竟離夜月、踈梗印蒼苔
恍若故人去、能令老興頽
迨茲欲高臥、春色總塵埃

喜可邨早春見過

白髮鬢江客、春颿冒雨來
獨行尋野老、一咲破蒼苔
幽鳥上林木、踈香潤茗杯
佳辰接良晤、霽月出雲隈

春日雨牕作

寒食纔過困、曉眠鶉鴉啼
到短墻邊、昏煙入樹綠
初暗細雨溼、花紅可憐江
上客歸猶止酒柳窓因病止酒
朝詩好正傳西唐歲朝懷人詩一百二十首
老夫茶熟生清興、目送

春光又一年

喜晴

今朝欲野望、處處有晴暉
宿雁起沙渚、嬌鶯出翠

微槁門新柳長邨逕晚桃稀幾日春歸去南風掩
竹扉

拈木香花示古水上人

木香清致好香色似梅花歲久盤根錯春淡引蔓
斜寺門曾種植濃雨潤光華一自飄零後詩人路
更遐

寄懷慧田

相愛偏離別相思不窮歸船泛秋雨遠信隔春
風倚檻月波靜先生所居有寒檻樓懷人江水空茅檐君去後
竹樹長蓬

立夏日檣峰上人招諸同好普勝院試茗
予未赴

東城沙軟平如掌垂柳垂楊滿谿上聞說谿邊竹
逕深中有禪居軒檻朗煎日諸朋約送春昨朝詩
衲煎茶新我未送春自去茶煙隱浮谿濱中
泠之水雷驚芽闢山龍井香如花團坐松閒列茶
器清風拂生光華宣州沈老瘦似鶴樽翁江上老
嚴神綽約亭修更有新安好兄弟柳窓昆季素瓷傳處藤
花落茶煙未斷初月生詩人好句如珠明詩多念
我未去品泉辨色無人評

六月十九日集寒木山房縣觀音畫像

灑雨灑空堦靈風動簾箔盪櫛妙相浮慮頓銷
鑠心香著爰清花氣沾衣薄色綠繡旛幢聯珠挂
瓔珞曲几渚蓮嬌膽併風柳弱文字佐莊嚴吟懷
破禪縛夜靜海雲歸明蟾照寥廓

書褚千峰金石經眼錄後

邵陽褚子癖無比半生足跡幾萬里搜尋周秦兩
漢字峩々山嶽胸中峙穹碑古關各殊境國學石
鼓焦山鼎到處搥搨置懷袖廣潤縱橫記最準永
晝溪宵旅店荒高張名蹟生光芒心摹手追得形

似縮成碑樣如圭長園者銳者肖其形殘者缺者

傳其真太平有象人有銘

西漢石人腹上有篆書銘三字

土花埋沒經

千春吳門梓人鐫勒好一一無差成墨寶苔斑字
蝕氣磅礴宛似千年風雨澡吁嗟兮金石流傳亾
八九千載一時今復有開喆熟視真奇觀太息褚
生堪不朽

舟過芒稻河慰祝荔亭參軍悼亡

聒耳驚湍鱗導河邊古廟祀僊娥離城卅里忽
來到有慰閒官賦輓歌
茱萸灣裡寒潮長楊子江頭落日斜白鳥煙莎歸

畫軸蕭蕭、籬落是官衙
歸舟西唐寫
畫諸子賦詩

喜陳對鷗歸自津門飲寒木山房

招遊沽水復京華
沽上題詩筆有花
才器久為先
達重旅懷惟惜故
山遐河干勸酒客
俱老雪裏收
飄書滿車共向山
房作良會
盤餐風味出芹芽

冬日草堂雜咏

孤桐

頂秃孤桐老
歲華橫空枝
幹勢紛拏
夜來滿地枯
槎影寒月如霜
有凍鴉

寒篠

日上寒梢凍已甦
夜來雪重不能扶
一枝折下森
森翠青鳳梳翎似得無

小梅

小梅頗耐雪中看
缺骨橫斜早傲寒
踈梗拂衣消
息近東風先到赤欄干

山茶花

歲晚孤吟興不窮
山茶花發近簾櫳
雪晴朶朶迎
初日淋漓輕冰澣
嫩紅

茗椀

自燒松子自煎茶
椀面香浮瑟瑟花
一啜平生常

在手不須酒琰送年華

香爐

歲莫空庭一事無呼童拂拭博山爐客來閒話少
清供一瓣香消繞座隅

曉寒

獵、北風吹短髻搖空樹色鴉成陣曉來無事欲
題詩被褐行吟寒轉甚昨宵枕上聽矇矓雪敲沙
沙鳴竹中今日草堂似瑤室凍僵一樹山茶紅

人日雨中追憶柳牕復用昔年札中詩續

四絕句

新年已過七朝昏舊韻重拈有淚痕七字尚傳人
已沒一天風雨獨消竟

新年已過七朝昏懷友空憐舊墨痕交翠樓中無
限恨杜鵑枝上有吟竟

新年已過七朝昏鴻爪初消雪裡痕吟逕可憐成
幻境芋、進草返春竟

先生所居庭院幽曲之
處予曾為題吟逕二字

新年已過七朝昏泥滑山寒冷屐痕好約同遊舊
良契梅花淡處賦招竟

友人齋中咏硯水

古硯微凹碧水浮為雲為雨作龍湫休憎落筆溜

塵污償得澄江半幅秋

早春懷方竹樓

江上青年友高懷頗激昂買書供夜讀對客重清狂雪屋茶煙細晴牕水墨香春颿曾有約花裡拜

空王

曾訂二月十九日過寒木山房清齋禮佛

咏花鬚

無事數花鬚天工生意殊千葩開咲臉萬縷出香膚顫、隨蜂嘴垂、點露珠春姿美如許瞥眼綠

雲鋪

咏柳眼

連朝春尚淺柳態早娉婷細雨生煙碧東風過眼青纔窺雙蝶舞已見衆芳零若待低眉後池塘有綠萍

二月十九日集寒木春華檻限寒字

疏梅繞屋淨梅檀灑、飛空雪未闌滿院北風猶似臘一林紅萼自禁寒群蔬作饌為齋供清酒浮觥佐晚餐竟日鈔經還叶韻又拈香影到欄干

輓祝荔亭

聞訃頻、不忍看鹿車共挽事尤難謂李夫人前三月而歿雪飛冷署妝樓卸春入虛窓硯席殘丁卯橋邊山色

暝茱萸灣口水敲寒生菊一束三升酒聊奠江干
淚暗彈

畚許棠東

白沙一詩老寄我瓊瑤篇中過獎譽錯比古昔
賢昔賢何可方墨妙千載傳僕本落莫者蹭蹬壯
盛年況當賦性拙有為堪執鞭老來未婚嫁衣食
還自贍辛苦弄豪楮硯席生靈煙貴家故不愛賢
者頗相憐同遊二三友日夕相周旋吟詩送美景
試茗煎山泉關門避時俗草木欣幽偏性定啖藜
藿美味早棄捐坦然任終老無意慕神仙老懷聊

具陳用以畚嘉言時期坐相對白髮兩鬢

至白沙聞沈樽翁下世

敬亭殘歲釋歸心轉眼秋江有訃音四海蒼茫無
宿老一庭風露冷孤琴高談往事酒邊過先生談東林
等事甚詳
細寫吟篇劫外尋先生所著詩文數歲前
悉被回祿止存晚年藁未及年華稱九
十天涯交結尺書沉

送對鷗重遊津門

又是三千里外身引先生
詩句嘉遊還復滯天津淮南親
故誰岑寂落青杉樹下人
新知舊好一時齊沽上吟襟正續題獨有梅花動

惆悵夢中明月入西谿

遊鐵佛寺

寺近隋宮故址

古刹年深歷雨風到來幽寂與禪通有聲似水六朝樹以綵為花何處宮愛汲野泉燒落葉咲拈枯偈論諸空門前一帶雷塘路惟見蕭蕭長亂蓬

秋日程振華招同西唐幼孚步蜀岡

牽襟挈伴陟高岡愛聽秋聲過野塘老去心情偏冷淡興來詩筆總蒼涼白雲似水歸山急黃葉乘風撲帽狂占得清歡在林叢還攜茗具到禪房

九日同西唐登文選樓

文選樓邊共徜徉千秋風雅說蕭梁豪端藻思傳今昔天上書聲落渺茫九日秋高來冷客一龕塵靜傍空王遲回同與高生老白髮垂垂送夕陽

山房雜咏

護

幾朵秋護曉日溫盈金粉露華繁老人不作宜男想小草清幽本淨根

榴

几上光生安石榴明珠粒照清秋不知開口咲何事儂已寒酸到白頭

菊

離披一帶墻陰菊，叉手行吟風飄。輕黃淺碧霜
中姿願祝年，伴寒木

橙

煙梢露葉碧雲橫，剪取金丸入掌輕。愛此橙黃好
時候，清齋深坐一燈明

秋日即事感興

臨水登樓獨黯然，朝曦夕靄一秋妍。愁聞入市米
增價，喜得迎寒衣。有棉越嶺書來霜雁後，得族人嶺南書札
渡江人去菊花前。孫養恬過邗上即解纜之湖年，舊侶勞竟夢不

是天涯便墓田。謂樽翁荔亭柳窓

銅鑄釋迦降生像

佛相依稀在眼前，四門踪跡至今傳。不知何代石
居士，一握金為小梵天。鑄有年號剝蝕不辨只識善人石氏

西土流傳事特聞，橫行赤子是迦文。摩耶未挽無
憂樹，早已龍天湧灑雲

烏帽籠頭淨飯王，十年離緒獨淒涼。泥連河上天
魔散種，光明被萬方

頂禮欣逢霽日溫，山房清靜似祇園。梅花樹下好
庵主，翰墨叢中奉世尊

臘八日集寒木山房清齋禮佛

幾點星光照曉晴
燈明香篆草堂清
人緣文字真如見
佛有楞迦聖果成
當戶几筵花作供
溜匙雪乳芋為羹
齋心更有西湖老
樊榭竹町
兩先生笑曳吟裾妙
義生

圍爐和西唐

破寒何處好高館
許相尋煥愛一爐火
歡生五字吟誰還
添薄醉儂已得春心
觸耳踈林外風狂噪
暮禽

元日

晴光滿戶牖樹
拂東風丹萼吐清妍
朶迎衰翁門外少
賀刺几上有詩筒團
團群兒女春服繞堦紅

和西唐行葦雅集未赴之作

冷蕊踈花近梵天
群公雅會又新年
屋邊古樹消殘雪
墻脚茶鐺響細泉
幾處飛光詩裏得
近來清論靜中便
野人久已心如蓬
戶春寒懶拂牋

石門齋中食春餅戲作

汲取清泉和麥塵
蒙茸蔬筍裹偏勻
攤來素月流光潔
卷處春綿著手純
高士林邊重說餅
太常筵

上得爲珍咲拈七字傳風味好博朋儕染翰頻
正月廿三日嶰谷昆季招遊梅花書院因
雨留飲山館分得纔字

未須連屐到城隈山館層樓一咲開幽逕吐雲當
檻起東風吹雨過江來花如軟玉生香淺詩似明
珠出蚌纔會此春鐙作歡飲夜深人影亂蒼苔

二月九日雨中石門招同諸友泛舟遊畢

氏園林分得宿字

古柳浮輕煙微波漾羅縠停篙一屐通細雨沾春
服香雪擁山亭鼓篋依葭屋小逕礙人行高林多

鳥宿嬌花未騁姿野客先遊目舉酒開歡顏狂呼
成習熟良時莫虛擲好句須頻讀幾日是花朝晴
光媚草木

二月十九日集寒木山房觀天龍八部圖

卷

我聞佛瀆闡無遮現身億萬恒河沙一點慈光照
世界能令烈火生蓮花種々威儀皆具足莊嚴變
化諸魔伏所謂西方有聖人龍天帝釋咸膺福吾
徒今結蓮社盟齋心禮佛山房清鮮花嫩柳作供
養旛幢精麗琉璃明案頭一卷明王相龍暝水墨

誰摹仿飛揚筆勢如風雲神力神威生紙上首作
彌陀掇鎧容青瞳炯々張雕弓勢至先驅跨神犼
緊那擊鼓喧虛空觀音中顯神通力坐下飛龍張
兩翼雙手過頭雪刃橫眉閒不改慈悲色閃々旌
旄一陣驅天龍諸像形何殊人非人兮世未有邪
氛一掃歸虛無我今參此圖中因妙義幽潛難細
陳百惡先防心上生誰能湔滌靈臺塵々盡心々
如皓月幽暗之中鑒豪髮斯言聊語趣禪人何處
無津通寶筏卷圖一笑聞妙香不著僧衣對象王
揮豪誰肯攢眉去各有心花灑道場

春城晚望同西唐振華幼孚

結伴同登仙鶴城東風拂々樹頭生荒涼臺榭誰
家夢斷續弦歌水上敲雲際山光青疊々日邊江
影白盈々憑臨不覺千門夕翹首揚州月未明

喜檣峰上人至

支遁何期意獨親三年踪跡隔江津無家不是飄
零客上人與予同姓一杖常扶自在身老去久諳林下路興
來聊問竹西春眼前舊侶相思切重向鐙龕結淨
因

浴佛日集寒木春華檻禮繡塔爲廣陵女

史王氏所製

江城四月風日良清、蓮社開山房剡藤為幔錯
如錦萬花為珞同時香東家善女性智慧心緣答
願憑鍼鉞一燈瓊瓏出繡塔撐空之勢飛神光檐
稜椽角結文理風鈴雲牖縈丹黃層、周密八方
具縷、蟬聯纖手忙我輩以詩為佛事頂禮讚歎
縣中堂錢王鑄瓦久流落子昂妙筆歸縹緗緬懷
名蹟不可見對此挑金刺碧何輝皇誰拈麗句比
多寶相輪頂上依空王

題張崧南照

補景用香山鶴與
琴書共一船句

逸興在江湖放船隨意適或傍一林煙或浮千頃
碧七弦挑動響飛湍書敲浪、天宇寬琴敲書敲
雜鶴唳白蘋風起生秋寒水雲鄉裏夜蟾吐翹首
碧空雙鶴舞以此高蹤聊寄情胡不驅車秣馬長
安行

周石門攜太函山茗過小齋烹試同人賦

詩分得遠字

一室清涼握殘卷高杉蔽日午陰轉飄然忽得幽
人來草履蕉衫薄冠冕袖中小篋貯名茶云是太
函山中春揀選拈來馥、細如豪想見採時春尚

淺旋炊鮮火整茶器小瓊細甌親滌洗銑叶松敲蠟
 眼火候良靈草之性乃無舛沸處輕花勃生擎
 時細蕊莖、偃清品久為先達珍此茗即汪太函先生家植幽芬
 豈是熏蘭晚新安人以蘭熏松蘿若下品也素瓷浮動色淺碧微風入
 座香尤遠四三吟侶接踵至辨味品泉容貌婉更
 將果栗佐閒情高話悠、白日晚今夜諸公定少
 眠林端月上堪忘返

石門偕諸同好登南城望隔江山色携篇

什見示奉會十四韻分得心字

衰殘念往事幽獨生苦吟自浮滄海歸悠、棲故

林江北少邱叡江南多名岑金焦與北固突兀而
 窈深美哉少壯時往、恣拔尋彈指十餘載勝境
 歸幽忱忽來二三子驚我枝上禽共言登眺好新
 篇出袖襟天際見群岫城樓偕素心晴嵐落雲檻
 秀句吐瓊琳觸我縹緲懷如聞空谷音欲往不可
 致雙眼蒙昏霧安得山之妊為我產空青便可牽
 裾連袂過江去胡為老臥青杉陰

答吳蔚洲見贈原韻

高館吟詩客關情猿窟儔才華珠照水清味露盈
 甌此意已生煥孤懷早破愁白頭蒙見重無志謁

公侯

書程老松照

老興何洋：青山常在目，但與麋鹿俱。不向風塵逐，詩夢裹雲煙。酒鄉入幽獨，山桃歲：春曾覺童顏復。

過寒木山房喜幼孚攜惠泉水至

高齋淨秋宇，隔院來幽人。攜將惠泉水，共試家園春。冷：若空盃瑟：浮香塵一盞，復一盞。飄然輕我身。

山芋羹

我無肉食相，堪對古先生。未著香林衲，居然白社盟。家園劔山芋，蠶：盈筐盛用以作清饌。所謂山芋羹，雪霰銀絲滑，調時五味平。甘漿流勺膩，風味入唇清。飽食抵餐飯，清齋勝大烹。旨哉有禪意，捫腹南窓楹。

題梅

水邊橋畔見精神，樹：橫斜世外身。香色界中春，夢老冰霜枝上煥。風勻逃禪居士揮，豪古和靖先生得句新。詩畫不知誰更好，梅花應咲後來人。

巢林集卷四終

巢林集卷五

富谿 汪士慎 近人

午日喜孫養恬維舟見過即之泚因作長

歌贈行

平生不嗜酒蒲觴聊一設灼々紅榴花對我頭如
雪風爐正裊一莖煙狂呼忽爾來茶仙三年不見
隔淮海風期灑落歡如前解衣脫帽釋離緒吳茶
越茶君素喜平山泉味良非佳芳甘那比西湖水
昔年曾自西湖歸至今憶著心欲飛年々但羨去
來者雲煙一別雙眼非梧桐鄉裡君獨往放船更

到西湖上桐陰深處好甥舅謂家援蓮子花中湖水
長花嬌水媚定忘暑陰崕曲港穿柔櫓巖邊尋我
舊題句墨色應為苔蘚護送君去望君來天涯故
舊歡顏開明日好山到君眼一路雲影山光浮茗
杯

幼孚齋中試涇縣茶

不知涇邑山之涯春風茁此香靈芽兩莖細葉雀
舌卷烘焙工夫應不淺宣州諸茶此絕倫芳馨那
遜龍山春一甌瑟瑟散輕蕊品題誰比玉川子共
對幽窓吸白雲令人六府皆清芬長空靄、西林

晚疎雨濕煙客不返

登南城望京口諸山

喧闐何處堪憑倚城上南樓獨聳峙萬縷烟中塔
影尖去來帆過西流水西流之水接江潮江上諸
峰入望遙翠黛煙鬟何窈窕我衰更覺山容嬌

六月十九日寒木山房雜咏六首

盆蘭

山房得淨因艸木足娛翫如坐梅檀林香氣凝不
散羨彼湘浦葩菁華垂几案九畹吐靈芬六時通
鼻觀欣承甘露滋夢与楚雲斷自此作天花勿使

騷客歎

盆蓮

在家各居士吟社尊金仙供以人間花、中亦有
蓮瑤華水月影芳潔兜羅棉碧葉捧朝露妙意達
心禪豈曰託根淺杯土越塵緣即此是香國一笑
千花妍

盆竹

森、盆中竹漪、似淇澳對之煙雨生看去濃陰
覆梳翎青鳳小振鬣籟龍縮有節不干靈虚心抱
幽獨陳列大士前音聲皆具足聞道落迦山曾現

紫筠谷

盆蕉

蓮社列香供鮮花雜芳杜盆種南越蕉似有碧烟
吐不知蓋鹿時有此清淨土葉、披祥風心、卷
甘雨他日靈葩生光華照蓮宇忽想綠天庵但爲
學書苦

盆露

程子賦性潔前身香林徒供佛以清泉猶謂清泉
汙詰曉入浚陽露氣零衣禰高擎白玉瑛滴、垂
花鬚積成一盃水億萬光明珠美哉勝仙掌妙香

裴不渝

盤冰

久題坐香室不知火雲垂咏此淋瀝冰如在梅花
時凜々錯瑤玉閃々明玻璃冷光逼毛骨朔氣侵
桃梨瑩潔不供佛恐是腥鱗漪悠然息煩慮時聞
微妙辭

葦邨以時大彬所製梅花砂壺見贈漫賦

茲篇誌謝雅贖

陽羨茶壺紫雲色渾然製作梅花式寒砂出冶百
年餘妙手時郎誰得如感君持贈白頭客知我平

生清苦癖清愛梅花苦愛茶好逢花候貯靈芽他
年倘得南帆便隨我名山佐茶讌

題止齋像

一林碧玉秋蕭騷風篁嫩篠穿雲高詩人靜對天
沈寥滿身拂々青鸞毛林中一別幾冰霜吟絲盡
染秋蟾光翩々老態何康強籃輿昨日過山堂山
堂終歲直幽冷留連踏我松杉影可能分取煙梢
三两莖閒門風雨無俗聲

西唐先生畫山水歌

五嶽堂上生清風檐花石竹香濛々雨浚苔老戶

常鑣二分月隨蓬蒿中先生高臥性懶慢軒車不
 得來幽菴瓦硯墨潘常不竭兔豪鼠尾皆成龍平
 窓古案色斐剥霜縑雪蘭閃雙瞳一筆兩筆峰插
 天千林萬麓臨深淵手闢心遊意無盡雲根劃斷
 排空煙瘦肩削玉孤踪冬心贈詩有瘦肩削玉狀貌古之句置身直到
 千仞巔天風吹衣何縹緲憑虛似欲凌蒼玄縱橫
 何暇瀆古瀆狂掃已越荆關前擲筆趺坐露双肘
 更有一言真不朽先生作畫名書餘蕙田書餘說云猶之詞為詩餘
 兩字流傳昔未有從來畫法本書法樊榭銘云數手作畫在倉頡後
 曲折淋漓在心手曾觀歷代好畫本人之筆似風

雲走此中蘊奧語向誰未若關門對月飲美酒落
 落貧交真耐久我與梅花皆爾友

嶰谷半查招飲行葺

結茅佳處無喧譁千年樹底開窓紗韓江詩人觴
 咏地吟箋五色鮮如花林光射酒好風日老桂香
 幽時一襲爽涼客散露華浥滿地秋聲鳴蟋蟀

和吳鳴臯見贈原韻

綺年才思比人長多謝清辭肯寄將霜穎未沾塵
 土氣蠻牋輕染麝煤香惟君福澤生來厚願我年
 增幸少康自与梅花同耐冷至今誰愛孟襄陽

春谿洗硯圖詩

并序

程子泰谷少好讀書工文章蚤有聲譽
四方名流咸造訪焉今老且貧猶好學
不倦秋九月予過其家相與清談甚歡
因出少時所寫春溪洗硯圖像屬題因
賦長句奉贈云

開畝一片春波綠千絲萬絲柳吐玉依稀黃鳥放
嬌時程郎洗硯臨溪曲一握紫雲生地肺古氣綢
緼良匠劓程郎才思蚤稱優文瀾蕩漾清於秋千
言落筆意浩瀚細吟朗誦無時休硯池殘墨香不

收淋漓散作溪雲流溪上樓臺讀書處万花圍繞
牙籤富青衫白袷常飄然馴雀馴猿共朝暮天下
名流願識君兩版閒門關不住湘簾高卷芳筵開
書堂日、傾罇罍南船北馬客滿坐明燈照耀多
雄才燈光人影花氣亂春風無處生蒼苔勝事悠
悠雲過眼十年夢覺空塵埃今日秋清弄楮毫爾
髮我髮同蕭騷畝中少年爾非爾案頭古硯皆成
凹溪水生寒秋柳高荒涼亭榭誰遊遨天南地北
客離散但有松老孤撐如我曹西風颯、動衣袂
暮鳥聲喧來舊巢

疎桐

桐葉驚秋早飄零
木先霜皮青不改
古幹影蕭然香引花時
鳳音通指下弦中郎不可見
搖落任年々

敗蕉

寒凝蕉葉折秋影散
紛披著雨聲應變
遮天綠盡 萎夢鄉
雞覆鹿湘管罷臨池
留得芳心在東風展翠棋

衰柳

衰柳連城郭長條拂野塵
葉隨飄處冷人遠別時

春路闊誰調馬煙銷月印津
我懷離恨外老夢久無垠

晚桂

蟾魄弄寒影蒙茸金粟枝
荼蘼露重香老山林遲
叢菊得為伴小山應共時
天葩元耐冷不改早秋姿

臘八日集寒木山房喜錢唐丁敬身至

繞檻紅苞漸及春清齋寒悄淨無塵
何期西子湖邊客來作蓮花社裡人
咲貌忽通千里夢雲山已隔十年
因吟瓢酒瑛歡無量墨瀟淋瀝貝茶新

題可邨夢遊塞外圖卷

夢鄉踪跡畫來工馬踏寒沙一笑雄天際有山青
不了草根無雪白連空征衫抖擻秦城北遠磧迷
離瀚海東枕上曹騰歸卷軸至今還憶挽雕弓

送可邨遊京師

江鄉風冷喜新晴老友披裘忽遠行香雪林邊三
日飲夕陽橋外一颿輕冰沙路迴過淮甸火樹花
飛入鳳城九十日春遊興剝應須重念故園情

上春三日沈惠堂五十

我衰爾復老白首事浮沉無夢遊金馬長貧戀故

林生涯勞硯席古調落弦琴歲酒欣為壽梅花伴
醉吟

憶可邨

生意動茅茨江南水泮時故人行已遠野老鬢添
絲雪驛貂裘敝朱門白日遲關情舊同契翹首結
遐思

上元日周靜齋携酒過飲

幽人一笑至三徑酒香生花底開筵靜林端透月

清燭龍傳楚俗

時有楚中
人作龍燈
戲於市

雪繭畫春城

是日西唐
寫霍城春
望圖

同人賦詩寄懷

得此良宵聚深杯有遠情

周石門

送郭蜀邨之延平

南去鍾州路琴書畫裡過渡江春浪闊入浙好山
多蠻語連昏瘴猿啼隔翠蘿九峰冠群岫一杖倚
雲歌

寄玉几

冠蓋如雲地蓬門一味清逕荒花樹冷病嬾咲言
輕得興過蕭寺李懷憶舊盟生來成福性老我綠
楊城

贈會于石香司馬

青年才子出京華小駐淮南書滿車嬾向長官垂

組綬愛從野客話煙霞二分月朗閒拈句五兩風
停早放衙此日江鄉消夏好白鷗泛泛繞蒹葭

會朱暘亭見贈詩

未識山陰客吟篇靄若春清才徐正字妙墨衛夫
人孤獨感君慕荒寒誰與隣半生棲硯席揮洒任
天真

蕉陰試茗

綠天雨過秋氣清青搖葉涼風生一甌茗茗飲
復飲湔滌六府皆空明閒門淡閉無客至緬想忽
生天際情越嶠吳山三四月雲芽霧蕊香盈高

峰屏列挂白練臨流汲取親手烹
 暝雲豉石樂莫喻松聲山谷和
 鐺鳴憶此幽境隔廿載至今不復
 離柴荆蕉葉榮悴我衰老嗜茶
 羸得茶仙名冬心贈句云詩人今日稱茶仙
 春烘秋焙遠人寄茶烟日之空中行平生煮
 泉百千瓮不信翻令一目盲醫云嗜茗過甚則血氣耗致令目青
 一目光明著吟卷興來點畫猶縱橫
 絲華冠蓋不相識幽窓冷韻私評
 衡連日晴光媚白袷肯教歲月閒
 中更之掃清陰設茶讌枯僧野老皆舊盟

書石香主人金陵雜咏後

一紙吟箋詠所懷烟花無跡過秦淮
 後來司馬情

元重憶著青樓好夢乖

雨中懷西岡蕙田兩先生二首

清江淼淼隔遙津幾度秋風到白蘋
 落莫小窓連
 夜雨昏燈暗不眠人

茗雲煙波接海寧翩詩老眼俱青遙知勝地寧
 情思多少長亭續短亭時鮑公由吳興改任海寧

參軍別去劉三載少監還家已隔年
 欲寄魚牋問消息幾時帆影落江烟

懷可邨江皋兩先生

遶樹蕭蕭又報秋遠人還在海西頭
 關情慣結曹

騰夢不落幽州即冀州

懷石門先生

長堤春柳復秋柳幽客還家不離家多少江南好
風日可憐兩地送年華

懷石香先生

聞道秋來得好懷青衫白馬渡長淮石公山下齋
衙靜翹首音鴻恐易乖

懷敬身先生

惟有西湖丁隱君高蹤常似在山靈十年神契曾
相識古雪林邊得共群

寫梅寄會津門諸先生

詩人未面已相思驛路遙傳絕妙辭多少江南好
風景蕭々竹外有橫枝

膠粉淋漓漬蕊寒一枝々上雪初乾畫成未敢輕

相寄曉日明窓且自看

周子七峰二首

折枝老醜臥江濱雪裡寒苞索莫春多謝遠人寄
高詠香生好夢不侵塵

萬子循初

曲折何能效補之拈豪聊以會遐思踈香絕點意

無盡得似西湖月上時

朱子

秋來著意寫寒花多少江南客憶家欲託芳心慰

離折小春風信隔天涯

陳子江皋

蕙田寓馬氏叢書樓以近藁見示因成一

律博笑

故人多病愛孤清
瘦倚寒藤步屣輕
但喜朝昏親卷帙
自成踈放嬾逢迎
花生冷眼竹西月
詩出高懷鶴背笙
山館小留能適意
寬閒隨處著幽情

淑林鬻琴感贈十韻奉寄

曾聽青年撫蜀桐
五之長爪生松風
夜深遶院蝶夢醒
官商暗度花璫瓏
不惜黃金易焦尾
山亭水榭鳴琤琮
廿載重逢門巷古
蒼苔屐齒埋幽踪
酒

邊不復話往昔
七條弦上訴
淡衷清地霜花動
逸響一天寒
月驚哀鴻新聲故
聲各殊調
枯梅乃與心相通
到今相隔不相見
江淮秋氣歸
衰容膝上古琴四散去
千聲萬聲消
靈空此情此意不可說
相逢惟勸酒千鍾

憶鐵佛寺舊遊

閑松

廣陵北郭四三里
疊之平岡林木起
六朝古剎門深
翠重陰落軒几
昔年遊屐何頻
尋花踏雪無冬春
翩之杖笠興不淺
酒邊琢句如花新
今曰追思猶夢覺
多少歡懷成寐
莫枯僧久廢井南

禪主僧古水移住城中老匏天瓢素園萊舊好多為遼海雀亭柳窓皆下世矣雀去無

踪歲月淡孤懷不必更幽尋雲房古殿委塵土回相念一酸吟

枕上口占

目病卧常早匡牀近月明夢中無俗境枕上得秋聲往跡惟神逸幽潛本性成侵晨猶嬾起飛鳥入簾鳴

家援鵲見寄廟後秋茶

名茶過水驛幽客遠相投廟後一林碧吟邊滿椀秋靈芬凝不散珍品鮮雜求對此情何限依隔

秀州

題周石門捐山樓

窓几憑壺筆硯排先生吟思無涯座中雙眼望到海天際一峯青入懷雲煙變態四時好熟客不來野老有時客散主人醉臥匡牀夢瑤島

元日登文峯寺塔同幼孛蔚洲作

梵音齊唱衆僧忙引客梯空眺四方霽日正明江上雪北風猶著樹頭霜到來野服消塵壒歸去吟囊帶妙香共喜清齋過元日祇園應結古歡場

新歲遣興

六十翻頭又丙寅多年况味得稱貧閒貪茗椀成
清癖老覺梅花是故人蔬食元勝梁肉美蓬窓能
敵錦堂新安排掃地焚香坐積雪檐冰早占春

食齋

野有叢生齋朝昏匝地挑盈筐偏易得作饌可親
操根蒂除殘雪菁英落剪刀加餐貧有賴甘苦共
兒曹

立春日會西唐同用東坡韻

開歲行春令昏雲凍不堪雨風來曲巷友舊隔清
談無分杯中酒雜邀面上酣棲遲閒似宦伸屈冷

如蠶剪韭荒厨未簪花老貌慙年增花入眼氣短
劍歸潭遠想惟神遡長貧與病參仙非辟穀得廉
豈飲泉貪結屋依城北栽梅近院南清寒應琢句
日煥再傳柑共泛湖邊艇還尋雲際菴濛濛香霧
裡寧袂過山三

喜蔡旅亭見過

扃戶已踰月開軒得素心晴光明積雪生意動寒
林苦茗有真味清言多古音坐深春氣煥斜日上
吟襟

上元後二日雪中聞振華偕友人之吳門

看梅因成三絕句

聞道衝寒结伴雙一肩行李上吳艘夜來沽酒燈
槁市密雪籠帆曉過江

春風驛路未嫌遲攜酒攜瓢任所之林下水邊無
不好峯、晴雪畫峨眉

衰遲空羨兩閒身有福才逢鄧尉春直待歸來問
踪跡幾朝香雪海中人

窓前山茶花作蕊甚繁冬春之交風雪殊
常悉皆萎落感詠一章惜此花之不辰

也

山茶枝上蕊離離其奈冰霜正此時未遇冬溫紅
自損已過花候豔難施生依幽逕長年冷老占春
風得氣遲何似成蹊桃李樹向人容易逞嬌姿

春雪不已苦寒有作

硯水膽餅皆凍堅寒威凜凜朔風前溪邊路滑客
懶過戶外雪深人獨眠噫冥鴻悲旅食寥野
老畏饒年凝陰不見陽和動竹樹投絲何黯然

振華遊武林歸過話

老羨嘉遊不可攀風寒遠接故人顏
謂樊榭冬心敬身諸先生
衣
霑宿酒兼新酒目送吳山與越山雨暗湖心春尚

真梅集卷三
五
淺潮生江面月初彎留連却道收帆早萬樹梅花
畏夢還

雨中抱邨招過書齋

精舍常局護綠苔撥幽人帶濕煙來雨聲悅耳層
層樹花氣沾衣片梅無鳥在巢啼舌懶冷雲入
戶紙窗開清吟淺醉歡賓主小逕亭襟緩步回

題如皋周氏夫人貼梅瓣小幀

憐取寒香散路塵拈來片片帶餘春夫人解得莊
生夢却為梅花作前身

咏蘭扇二首

霧縠霜紈總未同慧心蠶女弄清風不知三起三
眠後多少冰寬摺疊中
絲絲無跡比瓊羅譜曲堪為障面歌明月半彎裁
妙相動搖花裏得香多

巢林集卷五終

巢林集卷六

普洱蕊茶

富谿 汪士慎 近人

客遺南中茶封裹銀餅小產從蠻洞
淡入貢猶矜少何緣得此來山堂松
下野人親煮嘗一杯落手浮輕黃
杯中萬里春風香

寧都芥茶

遠近名茶不易干寧都霧蕊得尤難
青活色團雲脚藹花芬上舌端
火候冒乖靈艸性水程遙隔贛江
湍街南好約清閒客幼學石鼎松
巖接夜

闌

石門招同諸友撥梅分得南字

芳春半與雪相參二月尋梅野渡南老樹有魂棲
冷夢東風無力負幽探開時定占桃花候香處偏
教燕子諳好坐小亭浮大白先呼明月照華簪

觀走馬伎

北方有女逞嬌羞能調駿馬來揚州紫綵鞭控春
葱柔錦鞞踏鐙雙垂勾綠楊堤上遊人聚美人下
馬整纏頭長裙簇波秋鶯色紅衫細織金花稠金
鼓聲揚馬東騎美人一笑攀花鞦一脚斜縣臉西

顧輕袿歷亂春風愁危機忽隨令人恐迴旋顛倒
繚群眸左低右昂輻不收直以馬背如平疇漢官
妃子掌上舞洛浦仙姬水面浮此女非僊亦非嬪
學成僥疾等猿猴憐彼生涯過眼休黃金何處常
營求

過蘭廬聽宋默夫彈琴

東風拂々山幽叢白雲縷々行春空茶熟香溫張
蜀桐主人爲我彈秋鴻两三弦動心孤悄餘音細
響飄空濛引我雙耳入秋水耳邊瑟瑟薰葭風悠
然不覺意興融心神已在縹緲中庭花亂落曲初

歌主人袖拂春衫紅

冬心六十初度

詩人雙眼空遙、長歌短歌天上韶不是僊人不
可招猩紅袍映春山嬌西子湖中過六十碧桃花
裡虬髯立玉壺貯酒盃朋簪明珠掇盡驪龍泣

蔚洲招同壽門樊榭角里草堂看梅

濛濛曉霧滯衣襟幽侶欣來渡水潯小石橋頭香
已到赤欄干外雪難侵高拏龍爪逃禪筆亂著無
花煮石心拂、東風終一日有誰先入醉鄉深

新池和西唐

掘地爲新沼依山曲、通欲招鷗鳥宿先植蓼花
叢水面魚猶小波心月已空遲回石槁上一杖倚
東風

石門招看白杜鵑花因追憶柳窓

對此靈葩感易生酒邊能不念南卿騷人未老登
仙籍小樹多年占鳥名太素染將春冷淡啼痕澣
淨月空明惜花難弟情原重艸綠池塘夢屢成

過環谿看藤花

東風池館春將盡步屨藤廊日正曛密蕊離、支
暮色柔絲縷、弄清芬瓊瓏石上紆花綬烟靄林

中駐紫雲為惜光華歸去晚重來不更問續絃

和西唐覆水藤花

藤香吐蕊絲絲影落溪光紫舞蝶鏡花深游鱗瓔珞
裡流波不戀春汨、過橋去

題友人像

梅龍高擎空野雀發清唳濛濛香霧深有客獨心
契境幽情自閒機息春無際坐待月昏黃花光落
衣袂

秋柳和葦邨

西風吹老一絲、不是烟籠粉黛時多少離愁

付流水縱無攀折已難支

聽吳重光彈琴

聞君善琴久今始聽君彈淅淅暗泉動悽悽幽思
攢無弦催葉脫細響逼秋寒曲罷感孤調知音何
處干

拜老匏墓

往事掌情不復論故人何處卧秋魂西風艸色碧
無際白日林深路有痕賴得貞珉書姓氏空餘塚
土送寒暄臨流剪取溪毛薦舊好飄零幾輩存

歛硯

吾鄉產石抱文德何處沉埋多剝蝕墨池鏞結冷
雲烟凹面黯光鐵花色花纹琢作焦尾琴誰將文
字調清音不知硯北客幾換磨人丸墨銷光陰汲
泉為尔濯塵翳嗒然靜置明窓裡麝煤香動春風
生寫出梅花千萬蕊

題家玉峰雲台觀瀑旨

開曷便覺四山響百丈飛湍落漾漾九龍奔赴瀉
陰叟散雨噴珠滿石上山中有客寄高踪行吟日
日披清風一家眠食水聲裡犬吠白雲山杏紅

賦得花塲夕陽遲

信步入深塲
紛々蜂蝶忙
煥風收雨氣
斜日戀花
光香逕陰難
合烟梢影漸
長扶筇待明
月殘粉落
衣裳

賦得逕草踏還生

東風吹草色滿逕
早茸々鶴步青
無恙花時屐有
踪幾朝行處損
一雨曉來穠
生意欣如此
吟邊倚
瘦筇

賦得落盡梨花春未了

梨花時候雨風多
春在梨雲夢裡過
滿地飛英香
已散一庭明月夜
如何霜衣燕子雜
迷影巧舌流

鶯尚擲梭想見天涯應落盡阿誰樓上感雙蛾

吳南莊先生以詩索梅賦以奉酬

勝事在交歡酬賡成雅化伊予臥窮巷幽寂人咸
訝長年事茗柯七椀頗相亞感君五字贈字珠
輝夜鈞畫瘦金痕語意春風下僕本孤陋者賴友
高聲價何以報深情寒梅散烟麝

寫萱艸小幘與友人

茗椀浮香墨吐華晴窓拈管靜無譁向平昏嫁看
看畢閒寫堦前兒女花

展上已環溪流觴和竹町

五泉西去好林塘藻荇盤紆遶曲廊上已過來剛
十日詩人更結古歡場魚爭落蕊穿杯影燕掠春
波帶酒香自有文章添襖帖醉看明月到漁梁

東春溪乞菖蒲水盆

清和風日正新晴石上菖蒲綠穎生乞取瓦盆浮
碧水吟邊聊寄白頭情

齋中盆蓮花放

瓦盆種藕玉苗新青錢貼水無纖塵南風滿院白
晝永亭、翠蓋高於人菜底忽見菡萏起老懷不
覺生歡喜相親相近吸清氣向夜開門注流水流

水深、花放紅花、葉、香飄空滿身涼露沁肌
骨況有青梧碧月光玲瓏因嗟誰比此花潔六月
徂暑心如雪舊交零落新交踈獨聳吟肩聊自悅

秋日聽吳重光彈塞上鴻

有客抱琴來艸堂蕭、黃葉打衣裳開我軒窓據
我榻冰弦細、流清商心神忽落萬里外陰山大
漠哀鴻翔哀鴻翔初如雲寒霜重飛不起又如山
高風勁難成行紛紛歷亂度寥廓若遠若近聲悲
涼聲悲涼雙目欲聲心徬徨五音雜遂浮天閭縹
緲之懷已無際不覺主客皆相忘哀聲怨聲劃狀

散氤氳撲鼻秋花香

題南莊先生曉耕畷二首

江邨四月水雲該耕舍應為播穀開艸露霑衣青
嶂曉綠楊風裏一鋤來

鋤雲劓雨事艱難何幸先生注目看直待九秋釋
農具此中真樂有誰干

送曹葆田之楚二首

黃花節後不勝情拈動吟豪感易生孤調已憐相
識少秋來偏是送人行

川途淼、帶昏烟汀草汀花秋可憐送客先疑懷

客處庾公樓外雪連天

秋感二首

老人目病十年餘生計悠、半子虛畫本只鉤香
雪蕊吟牋雜作瘦金書三秋無事關門坐歎歲看
花隔院踈落、孤懷向誰是暮蟬聲裡自容與
蕭然一室獨惺、頻跳雙丸去不停豈怪閒愁生
靜想略經世事便勞形金飈振耳秋行令古木驚
寒艸自青車馬塵高何足羨敢誇野服占芳馨

艸

芳艸連天碧茸、軟襯花馬蹄愁不、人跡遠無

涯野燒痕還合池塘夢已避年、到蓬三、一徑長
新芽

林

無木聚為林多年結古陰夜深疑鬼嘯風急似龍
吟根土久同氣低昂其有心枯榮皆畫本匠石未
須尋

泉

泉源生邃谷湧不閒須臾細響知穿罅潛行忽似
無到崖垂匹練歸澗瀉明珠自此杳然去閒花水
面鋪

城

一自干戈定城籠萬井烟將軍不望遠戰士若歸
田繞郎春花麗當樓秋月娟任人間從倚無復話
當年

邨

安居無所適戶戶樂倉盈老婦猶勤織兒童願事
耕水明桑柘影鳥避桔槔聲邨館何為學經傳未
稻名

鶴

相此靈禽好仙鄉隔海東竦身如我癡清暖覺山

空年壽莫可紀丰姿誰與同有時振風潮一舉徧
鴻濛

雁

天際鳴鴻雁排空自古今過江聲在水入塞韻歸
琴旅宿一汀月雲程萬里心去來頻過眼衰老獨
沉吟

鷗

沙鷗無遠志來去戀波光宿渚迷秋夢成群亂夕
陽閒情依釣艇野態集漁梁我尔忘機者相親共
此鄉

蟬

鄰家多夏木終聽一蟬鳴不覺四三日旋成千萬
聲曉霜黃葉寺斜日綠楊城借問綏冠者炎涼耐
此情

蛩

冷月生空碧林梢湛露華人聲寐良夜蛩語出秋
花足以供清聽何堪有俗譁從茲隨候氣幽響接
霜華

琴

橫琴傳大雅聲韻託冰弦材自何年斲音迥太古

先驚秋飛落葉洗耳聽流泉自別孫郎後謂叔林高
縣又幾年

墨

自愛揮豪後磨人墨未閒鴉塗千匹練筆掃萬重
山已共歲華去空留石面斐惟卿與我友頭白尚
相關

石

頑石本無璞擎來大似拳渾淪靜者相枯寂野僧
禪米老愛如此生公法未傳因知不材質足以得
長年

榻

平生依短榻安穩著閒身斜月每來照寒燴不礙
貧花時香到枕秋老冷侵人何處留賓客能教孺
子親

檠

短檠稱蓬戶相對夜沉沉繼晷無盈缺攤書見古
今燭垂花蕊細光透竹陰深華燭休相笑孤檠對
苦吟

屐

衝泥雙屐好幾度問梅花犬吠過虹老苔荒入酒

家搞頭行款、雪裡響沙、高處從來滑、老年愛
水涯

柝

永夜警寒柝家、深閉門鳴街催月落入巷破霜
痕孤館聽雞盡歡筵燭易昏一聲、漸已開眼又
朝暾

砧

千門繒纈急砧杵逼秋清遠戍寒無敵高城月有
聲透空昏雷散入夜旅鴻驚聞者猶回首何堪思
婦情

梵

白馬馱經後空中有此聲五音歸梵唄大眾合清
賡揚抑風雲盪威儀色相成我曾繙貝葉千載一
鐙明

風

依微動蘋末浩々滿洪鈞漏泄四時氣飛揚萬丈
塵波濤傳震怒竹木畫精神到處還隨我飄蕭兩
鬢銀

雲

老矣登樓客雲奇過眼多滿空驅隄鳥萬頃散綠

波雨急濃如墨秋清薄似羅六時無定相世事更
如何

雪

仙人在雲際剪水散輕花密灑草堂靜平鋪小徑
斜寒花紅隱々凍篠綠沙々瞥眼成瑤闕燒薪自
煮茶

東

川瀆朝宗處鯨波無盡窟日華盪流景雨氣吐長
虹泰岱煙雲裡人文鄒魯中海陽卑隲地城郭總
依東

西

險絕連雲棧雍梁道路奇
義輪趨隴首新月上峨眉
岷河自萬山出江分兩戒
支記曾瀆禹貢引道始
西陲

南

南方風候異炎海氣常偏
臘盡無冰雪春來有瘴
烟雲帆通遠貢白日遍神
淵聞道秋空雁山高度
可憐

北

皇王輻員廣北盡黑龍江
遠磧通行旅寒沙北健

駝近邊春漠漠入塞雁雙
萬里陰山雪而今屬
內邦

塵

纖塵誰碾出寂寂遍寰區
晴晦不時見霑濡何物
無雨來暫銷歇風起又糝
糊惟有古今士驚人事
不污

古

古人去何處惟見古人心
功業歸賢哲文章出土
林千山餘過跡萬象隔幽
忱最是江河水涵涵直
到今

影

影形是良伴相戀到衰殘未識我何似都應象外
看日斜成丈六月正更孤單惟有高眠後思君一
頽難

籟

奇響出天風音聲雜逸中亂山嗑洞穴灌木吼蛟
龍踈雨晝鳴瓦寒濤夜振空還聞人籟起落筆鬼
神通

新雁聲

冥鴻忽又江城入耳秋來第一聲定有竹根人

極目得無垂老客關情黃蘆瑟和清淚銀漢迢迢
迢送遠征祗恐漫天風雪重不勝哀怨度寒更

落葉聲

江南木葉忽蕭蕭林下老人悲暮朝亂響中如山
鬼嘯灑空過若水波搖幾回掩卷疑踈雨連日打
窓嘶冷飆聽到無聲秋漸了不堪回憶綠雲饒

寒蟬聲

散盡天香菊亂欹感人物候動吟思秋侵高柳葉
頻脫病到踈蟬鳴自悲冷抱西風無急響煖喧斜
日未移時夏蟲雜及冰霜老此意何堪熟客知

擣衣聲

北方清響動寒衣，砧杵家、尚不違。未必盡為征婦思，安知非待遠人歸。隨風振野，催黃葉向晚，喧空送落暉。何似江南水雪裡，披裘擁褐到芳菲。

月夜過吳梅查青棠館拈韻

一杖來高館，清陰露氣霑。甌香春在茗，竹密月如簾。幽鳥安巢穩，輕風入座恬。欣、賢主意，選句待人拈。

所思和已軍

衰年何所思，發易成悲幽。獨非今日交，誰討昔

時名山歸夢久，好事上心遲。一任高鴻過，六、未
有期

立春日與小坡過具公文室拈韻二首

一路東風軟，雙林得氣先。偶然偕素侶，不覺入吟禪。臘雪消靈境，春鐘透梵天。行、意幽寂，同結遠
公緣

茫、塵土夢心到，此中寧樹裡。閒房古塔前，宿艸青嘉言。流性海道味，落茶經留待。林邊月遲回到
日暝

種松

嶺上青松樹移栽小院南
靈根依竹石翠鬢帶烟
嵐歲久風雲聚陰森雨露涵
我衰難共老化崔定
來看

雪窓蕉

南窓一夜雪蕉葉尚抽心
枕上知非雨風中別有
音狂毫猶可著古夢杳難尋
粉本詩中畫王維正
冷吟

霜天雁

一片霜花白征鴻正可憐
水寒菰米盡風勁角弓
圓闕塞雪將滿江湖夢尚
寧我曾同逆旅愁極夜

如年

山茶雪

山茶開正好滲雪花籠小
徑蒙寒綠低枝墜冷
紅瑤華寒豔粉霽影淡幽
蕞幾日冰漸動春來氣
可通

硯池冰

雪屋夜寒甚冰花結硯池
冷煙凝不動霜兔未能
馳曉日烘猶薄熏爐煖正
宜一時香滿紙揮洒忽
淋漓

巢林集卷六終

巢林集卷七

富谿 仁士慎 近人

吳氏家藏 一 銀鑿落歌為蔚洲賦

東城雅會延陵家丹黃繞座開秋花賓朋半是南
 帆客筭簪影裡浮流霞酒酣主人興復作呼取盤
 盃重勸酌明燈閃々古匣開著手光流銀鑿落銀
 鑿落十三持得從先世稱觴時是時盟契七六輩
 各舉一觴同賦詩到今傳留歲月久世々寶藏勝
 瓊玖玉壺酒滿瀉紅雲蕩漾雕鏤真妙手想見良
 匠心造意殊尋常紅爐鎔出拳々雪利刀割雪迸

寒銚或為彘鼎形或作雲雷象瓊瓏花葉各逞奇
雅與銀槎無下上金珀黃犀馬足稱素磁玉笋堪
同賞一飲再飲客顏丹長歌短歌如狂瀾殷賢
主意無盡花芬月皎還盤桓

贈孫千波二首

聞道歡遊興最遐曾携筆硯到天涯賞心嶺表林
林雪騁目滇南樹茶古錦囊中多翰札木棉衣
上滯雲霞何緣獨愛淮東老幾度蓬窓坐日斜
帆從楊子津頭落人自水晶宮裡來滿紙煙雲生
筆陣一天風雪問官梅踈狂未肯依吟境不淺偏

宜近講臺

孫君寓具如和尚方丈

昨日何當遺秀句不知何以

報玫瑰

集青棠館拈得春衫一首

野服常凋敝春衫舊綺羅輕棉稱意煥寬袖得風
和酒滯從來少花熏不厭多翩隨素友未許換
青蓑

佛燈

梵宇一燈靜諸天此照臨長明流法遠古火得年
深影散大千界光收億萬心從來清夜裏不比海
珠沉

○
天

棋燈

愛棋人不散更戀一燈青
妙義兩難測仙機夜更
靈分光敲冷玉帶影摘寒星却咲挑殘後遲回興
未寧

客燈

我亦曾為客燈前感歲華
有時親酒琖終是照天
涯愁覺生花易昏憐舉筆差
而今歸臥好兒女一
庭譁

寫梅送吳醒園之漢陽

寒梅寫得自難堪千里隨君正伴函
點之跡行侵

漢水小春風信隔江南

酬冒甚原惠蜀茗

故人遺我茶言從蜀客寄采於金篋
山之遙得匪易傳來意已深
珍重刮目視褫封辨靈艸鬢鬢蒙
頂製老人寐無事解衣自烹試一鐺
秋雨過滿椀輕花蔽翫味比嘉言生
甘得妙義滌我六府塵醒我北窓寐
五字頌高貺重緘合珍秘伊誰萬里心
致此馨香意

池上

園林積雨方歇池水瀲灩如銀
槁北槁南鷗泛蘋

花蘋葉香新雲徘徊而濯影風澹蕩以鋪鱗到此
已忘熱惱柳陰多處吟呻

白燕和抱邨

白燕何來雙復單水邊煙際有人看才過社鼓霜
翎薄乍入梨雲玉骨寒到處銀塘翻淨影誰家珠
箔度輕翰寫生安得徐熙手膠粉鈎描上素紈

初夏泛舟紅槁拈韻二首

半篙流水碧煙鋪野粉殘英望去無一咲遊人春
夢老綺羅香已襯青蕪

槁邊黯々綠楊低猶似漁洋舊品題行過於畫向

何處漪南亭外一鳩啼

紫牡丹

一逕香風掃綠苔魏家粉本正全開人間巾幗誰
堪擬安得真妃賜紫來

梨花

粉杏紅桃嬾去看煮茶聲裡獨憑欄新栽一樹梨
花艷便覺春風小院寒

送吳補進入都

花裏閒吟客秋來忽壯遊驅車迎塞雁回首隔江
鷗友舊辛岑寂郎官久契投

謂南莊令弟

西風疎柳外良

晤尚悠々

寄懷補進

瞥眼行人遠流光逐旅塵韓江秋漸晚京國夢無
垠嘉會悵難得相思老更頻後人問消息前月過
天津

冬夜齋中望月

歲晚江南景物殊小窓但見玉蟾孤堦前壺白行
如晝空際幽輝望若無僊女弄霜磨寶鏡潛蛟吹
浪濯寒珠水壺影裡誰相伴老樹含苞半辭枯

落梅

惆悵立空墀梅花過眼時好香歸宿雨明月在荒
籬何處客吹笛連朝風滿枝一年清興了心事付
吟絲

春愁曲

東風雨暗江南天桃花紅濕嬌可憐深院高樓畫
悄々春愁遠與天涯連蕩子不歸年復年美人夢
落空江煙渺々芳心不轉石冷々清淚無聲泉干
秋難泯情絲牽枝上啼紅有杜鵑

早秋夜坐

殘暑忽已退山房夜正清涼雲驅雨氣皓月走秋

聲淪茗睡神醒逃禪世事輕一八如止水憂樂不
關情

哭姚蕙田

卅載交深一夕違客窓重見事全非韓江秋老吟
竟散茗水帆收旅櫂歸多病寡妻傷薄命能文愛
女化僊妃遙憐春雨春風日寒鑑樓空燕子飛

張孫氏輓言

并序

女名惠為予故人孫君疊山長女少孤
依慈母性柔順得母訓蚤稱賢淑年十
八適張氏子定州甫三年而定州物故

遺孤兩月女乃定志守貞撫育其子詎
意女年廿五染病而逝嗚呼此女自生
至歿德性殊眾有古賢媛風若得天假
以壽未必不留名於彤管者也予與孫
三世交好是以耳熟此女之賢漫成長
句云

昔與孫君友肝膽傾心吐廿載稱忘年溘焉中道
阻滬前兒女孤教育欣有祖惟此弱齡女總髻依
孀母繞膝戲斑斕承顏無逆迕性潔懷清風容莊
步芳矩一編女誡明滿室春風向芳年嫁得讀書

郎相親相近稱糟糠德性何曾殊孟光晝依井臼
夜縫裳昔日高門節鉞擁而今三逕蓬蒿長甘心
裙布作賢淑直看羅綺空薰香自擬家貧得清吉
何期一夕生淒涼心鬼忽隨天地外可憐瞥眼介
鸞皇良人忽赴玉樓去酸風苦雨摧肝腸全身如
落空江水直欲相從共棲止塵海茫、鶴不歸忍
看兩月遺孤子之眠襁褓不知悲一綫悠、系宗
祀此子為張經畧
公伯鯨裔孫庭花掃盡畫關門甘老冰霜不敢
死瞋心守志送流年但望斯兒頭角起阿母難拋
愛女心空房相頷悲懷深堂上姑亡翁遠宦勤勞

王事隔幽忱風清月冷清復清家徒四壁空瑟琴
束薪爇粟母所給不愁風雪來空林朝憐莫惜兒
能行四時祭掃昭神歆吁嗟兮苦志年光應壽考
二十五年春夢老菱花黯淡朱顏凋何堪二豎頻
侵擾聞說秋來眠食難淹、竟欲離昏曉牀頭藥
裹人間艸靈術靈方無處禱光陰不駐千秋心誰
逐冰魂就杳渺自言不復謝親恩海色西風晝欲
昏回眸一、別兄嫂付託遺孤語更溫不願兒封
萬戶侯願兒自此生靈根他日能親孔孟語自應
不辱忠良門舍悽忍淚斂容色索取清泉親手挹

從容就枕似禪寂白鶴青鸞追不及

秋雲

何處龍啞氣秋雲出海初暗遮山骨瘦輕抹樹林
踈鴻雁棲昏塞星河蕩太壺昨宵涼雨後洗出玉
蟾蜍

過秋琴館看竹贈葦邨

秋來風日佳策杖秋琴館主人清風懷種竹當堦
滿陰交硯席涼翠落衣裳澣抱壺君子心耐冷梅
花伴坐久聞妙音茶煙去宛轉

冬心先生來廣陵過予艸堂各出翰墨相

賞因成一律

飢渴三年別衡門一咲親貧仍如宿昔老不減精
神我跡未離境杉陰早化塵屋前古杉為風折去相憐復相慰
落筆占千春

冬夜江樓望月

永夜一輪滿寒輝望不窮水明沙路白山暗寺燈
紅朔雪侵仙兔清霜逼桂宮我懷向何處消息遠
人空

喜梅查過荒齋以詩見贈即和原韻

君來荒徑雀喧譁坐擁殘書言幾車垂老孤懷欣

素友廕堦古木借鄰家清才和天葩吐野態
跚跚竹杖斜顛倒吟箋休見咲直今雙眼總生花

茉莉

何年嶺表卉分種到江鄉豔質出炎暑
餘英生夜光開時纖月落香處晚風涼
小院披襟坐流芬上竹牀

梔子

未識梅檀樹欣看落葡萄榮色經甘露
洗香自逆風生六出光明性同心智慧情
金仙不可見拈處得花清

凌霄

繞樹凌霄發盤空曲似蛇花明丹粉重
絲颺暑風斜得氣因依附長榮閱歲華
欣好顏色莫被綠雲遮

蓼花

汀洲生景色一櫂蓼花中
叢穗媚流水弱莖垂碎紅
密遮鷗背雨低拂釣絲
風動我江湖思烟波處
處通

牽牛花

竹樹交加處藤攀縷輕半輪殘月墜
一片曉花

明秀色烟籠山靈胎翠長成露涼無客至寐倚
檐楹

水木犀

愛此拍田花依稀金粟芽不逢秋露冷常被鬢雲
遮弄影荒邨月飘香野叟家芳蘅与杜若剪以配
清華

送方介亭還真州三首

曉來坐我屋三間踈柳搖風映別顏幾日吟懷珠
厯亂暫留猶欲趁潮還
共喜遊踪遠世塵最幽深處放閒身還家好向朋

儕說蓮社拈花第一人

江上人歸小院秋驚颺著樹已颺相期直待梅
花發莫遣何郎易白頭

老吟十首

予少壯時嘗在江淮吳越間歷覽山川
名蹟迄今廿載不復出戶今老且病昔
遊難再舊友星踈不覺有江鄉歲晚之
悲因作老吟十首聊以抒情

平生踪跡雪泥鴻渺雲山夢寐通林下水邊十
年隔舊遊瓢笠總成空

鏡裡年華老態增形消頂禿竟如僧向平事了更
無事拋得閒愁即大乘
自成孤調許誰同鯨會叢中跡久空老去生涯真
冷淡橫斜枝上得春風
近來情思懶如雲一日昏花何所欣不羨翩跹浪
遊好荒邨野店約同群
庭花鮮潔酒尊踈靜煮溪茶近竹爐幽鳥一聲心
目爽僧伽扶杖過柴廬
老臥江干命所談浮雲富貴不須來昨朝有客天
邊至風雨閒門一笑開

目眩心搖壽外翁興來狂草活如龍胸中原有雲
烟氣揮灑全無八法工

吟邊流出性天真難比雕龍繡虎人自覺語言從
肺府眼空無處著紅塵

白頭隨意種秋花惟有秋花耐歲華四海名山無
著處可憐人近日西斜

化雀人歸何處求空多名姓在心頭草堂連日未
岑寂檢點遺篇亂不收

綠野醒園齋中拈題

萬綠含烟遍野時遙入望自迷離溪藏菽屋清

陰合點染平田白鷺宜隔岸送迎騎馬客綠坡常
映牧牛兒菁華得氣三春後青帝多情雨露私

紙鳶

春到兒曹技可施紙鳶飛起賜晴曦摩霄豈識青
天濶得氣須防一綫離輸與人看疑振羽略因風
動纔乘時老夫佇立獨惆悵過眼浮沉恐類斯

蝶

得意春風舞態斜無香裏送年華去來那識誰
家院輸與山翁作眼花

病起

病除秋已半謝客幾經旬白露長新艸西風老瘦
人有懷天際客久隔陌頭塵坐對軒窗靜幽花作
主賓

午日遊前藤花盛開東諸同人

午日對藤花風中拂檻斜柔絲牽紫綬密葉走青
蛇剪取堪為縷蒸餐可配茶誰能乘淺醉幽賞過
山家

九秋吟效家柵巖作

空

翹首空遙天光青似卵何事動秋思逐孤雲

斷

墳

牛羊下高隴雲覆松楸晚秋氣入荒墳子孫獨何遠

田

群鳥啄餘粒農夫都在場秋深一犁雨宿麥又成行

蘭

幽谷出幽蘭秋來花晚與我共幽期空山欲歸遠

燈

幽響聒無寐明燈透竹深閉門掩秋夜光湛碧淋淋

雨

密灑黃葉淋淋濕紅蓼漫空雨氣深敝服生寒早

苔

老至道心生人言靜者壽秋來常閉門日見青苔厚

鷹

霜天過鳥稀四野草根出獨羨
肌鞬鷹摩空双眼疾

碧月滿秋草老人獨延佇聽此
蛩鳴悲絕勝市人語

喜家承齋見過二首

桐溪嗜古士作宦近淮南白日
勤王事深宵啟秘

函時在龍潭督理行宮事務過江屏
雲從訪舊得幽探忽到蓬蒿

逕清風入笑談

憶自京華去相思春復秋音鴻
千里斷風雪故人

憂曠意得今夕關情惜病眸雲
旌明日遠回首各悠悠

孫小坡歸龍暝山賦此贈行

昔慕賦山才今羨歸山樂賦工
山著名人歸山有託孫君歸覽
龍眠奇品題直映天台辭山盤
谷邃寫不盡水曲雲窩生妙思
屋裡貯琴書門前呈畫圖野樵
枯衲亦可友春鶴秋猿皆爾徒
四時悅耳響萬吹入戶晴煙浮
煖翠糟牀酒滴頰堪醉那有喧
囂通寤寐

除夕

世事勞形久不勝
白頭生計竟何憑
每憐溫飽歡
兒女但覺艱難
仗友朋詩筆生寒
羞祭禱閒身無
恙感年增茅堂
亦作團圓飲人
影花光共一燈

巢林集卷七終



